

TSEL A EA MOPOROFETA OA 'NETE

Kea leboha, Moena Borders. Ha re tsoeng re sa eme ha re rapela. Kea ipotsa hore na ke mang ea nang le kopo bosiung bona, le ka phahamisang matsoho a lona le ho re, "Morena, ke 'na"? Joale ha re inamiseng lihloho tsa rona.

2 Ntata rona oa Leholimo, ha re utloa sefela seo, "Morena, ke a lumela." Re hopola e—e mehla eo, lefatše ka bopphara, ke utloile hoo ka lipuo tse ngata hakana, "Morena, ke a lumela." *Lumela Feela.* 'Me, Ntate, re rapela hore e tle e be ho fetisang sefela ho rona bosiung bona 'me e fetohe 'nete. Re be le tumelo e kholo ho Uena bosiung bona.

3 'Me joale re rapella kerekana ena, molisa oa eona, Moena oa rona Fuller, mohlanka oa Hau, moena eo re mo tsepileng. 'Me re rapella lelapa la hae, basebetsi ba hae mona, batikone, diteraseti, le bohole ba kenang menyakong ena e khethhehileng. Rea rapela, Morena, e tle e lule e le ntlulesseli ho Jesu Kreste.

4 Hlohonolofatsa baena bohole ba sebeletsang ba leng teng mona bosiung bona, ba kenang le ho tsoa le rona, hohle tseleng. Rea rapela, Ntate, hore U tle u ba hlohonolofatse ka moeno.

5 'Me rea kopa, bosiung bona, tšollo e 'ngoe ea Boteng ba Hau holim'a rona. Re bahloki, Morena. Re a U hloka. Re lula re hloka hobane re mona lebaleng la ntoa, Morena, moo liqeto li tlamehang ho etsoa. 'Me rea rapela, Ntate, hore U tle u re khothatse kamehla ka Boteng ba Hau. Hoo ho re etsetsa ho hongata, ho tseba hore U na le rona. Iponahatse u le teng feela, Morena, e re khothaletsoa ho tsoela pele. Folisa bakuli le bahlomohi. Pholosa ba lahlehileng. Khothatsta ba nyahameng. Ithuele khanya. Re e kopa ka Lebitso la Jesu. Amen.

Le ka lula fatše.

6 Kea lumela ke Davida ea itseng, "Ka thaba ha ba itse ho 'na, 'A re e-eng ka tlung ea Morena.'"

7 Billy o boletse, nakoana e fetileng, a re, "Na ha u batle u khathala, ntate?"

8 Ka re, "E. Esale ke khathetse bophelo bohole ba ka." Ke fihlile moo ke ileng ka e tloaela.

9 Ka qala ka nahana, "Be, ke tsofala haholo. Ke lokela ho bea butle nakoana." Eaba ho fihla motho, oa lilemo tse ka bang mashome a robeli kapa mashome a robong, a chesetsa naha feela, lilemo tse ka menahanyang tsa ka habedi, le a tseba. Ka nahana, "Khele! Ke a itšoabela."

10 Tlase tabernakeleng lapeng, ho na le bathoana ba banyalani ba bitsoang Kidd, ba theohelang mono ho tsoa Ohio. Joale, bobeli ba bona ba koana, hantle mono, mashome a robeli a metso

e mehlano kapa mashome a robeli a metso e robeli. 'Me ba tsofetse hoo ba sa khoneng le ho kena likerekeng haholo, hoba tsa bona... Ha ba na lentsoe le lekaneng. Empa lea tseba ba etsa'ng? Mabapi le teipi ka 'ngoe... Mosalimoholo enoa oa batho o ile a boloka chelete ea hae a reka sehatisi sa teipi. 'Me ka hona o inkela teipi. Ke mo romella liteipi. 'Me o tla nka liteipi tsena, 'me o tla etela likokelo, hohle moo a ka hlomang sehatisi sena, eena le monna oa hae oa khale, ba lets'a liteipi tseo. 'Me joale ke tla mo romella moharollahali oa—oa masela a thapelo ao ke a rapeletseng. 'Me hang ka nako, "Moena Willy, ke se ke feletsoe ke masela a thapelo hape." 'Me ha ke ba bona, o tla kena kerekeng, ka moririnyana o mosooana, tjalenyanan; 'me eena, ke mothoana feels.

Lilemong tse ka bang 'ne kapa tse hlano tse fetileng, ha ke le ...

¹¹ Lebitso la tulo eo ke efe koana Ohio, moo ba tšoarang seboka seo selemong? Ba e bitsa Chautauqua. Empa joale ke a lebala. Ke litšeng mono. Empa e—e lebitso la motse, ha ke le hopole. [Moena e mong o re, "Franklin." Khaitseli e mong o re, "Miami, pel'a Middletown."—Mohl.] Joale, ke, u atametse hantle joale. Motho e mong o itse re feta hantle har'a Miami. [Moena o boetse o re, "Franklin."] 'Me ke haufi le Franklin. E. Ke hantle. Hantle ka hare... Kea kholoa ke lipakeng tsa Franklin... [Baena ba babeli ba re, "Middletown."] Middletown. Ke eona. Ke hantle. Ka hona, ke hantle, Middletown, tlase holim'a noka, mono litšeng Chautauqua ka mono. Ke setsihali seo sa baseketebolo, sa liatleletiki mono.

¹² 'Me moena enoa, oh, ke ba tsebile ka lilemo, le mothoana oa khale Moena Kidd, oh, Kea kholoa o ne a le lilemo li mashome a robeli ha ba mo nka, 'me lingaka tsa fumana litšoelesa tsa hae tsa senya li iphetotse lefu le kotsi. 'Me lethopa lena la mo hlamelia lefito feels. Be, ba bolela le tlameha ho sehoa. Eitse ha ba mo buha, "Khele, ha ho hlokahale karo. O se a tšetse moeli haholo." Le a bona? Ha thoe, "Ha ho mokhoa ho e etsa, ho hang." Be, ho khutlisetsa mothoana eo lapeng. 'Me, karo, e boima holim'a monna oa lilemo tse mashome a robeli. 'Me a batla a le boima feels, oh, kea kholoa, ka tlase ho diponto tse lekholo.

¹³ Ka hona, Mof. Kidd a lets'a, tlase. Ke sa tsoa fihla hae ho tsoa kae-kae. Moena Kidd o ne a eshoa. Le ho re, "O batla ho u bona, Moena Branham, pela u... pele a ikela." Joale, 'na le Billy ra sokoloha. Ra fumana e—e molaetsa, bosiu bo bong, e ka ba hora ea leshome. Ra tloseletsa, hoseng ho hlahlamang, e ka ba hora ea bone. Hobane, motšeheare letsatsi le hlahlamang, ke ne ke tlameha ho tsamaea hape. 'Me ra batla re tabola maoto a koloi ea rona, re nyolohela mono.

¹⁴ Mothoana oa khale, ba se ba mo nyolotse ha ke fihla mono. 'Me a akhetsoe tjalenyanan mahetleng, a lutse mono joaloka

mopatriareka oa khale. Ea nketsa ho hong feela. 'Me eitse ha ke tloha ho ea mo sheba, ho mo sheba joalo.

¹⁵ Mono keha ho lutse mosalimoholo e mong, e ne e le setho sa kereke ea hae ho tloha a rerile lithabeng, naheng ea mashala Kentucky, teng a hlatoetsa lisente tse leshome-hlano ka letsatsi, ho romela monna oa hae masimong ho ea bolela Evangel. Mono e ka ba lilemo tse leshome pele ke tsoaloa; ho ntse ho reroa Molaetsa! 'Me a sheba, 'me a 'mitsa "nkhono," 'me eena a le lilemo tse mashome a robeli. 'Me a se a tlotse mashome a robong. 'Me kahoo tona a re, "Nkhono, u shebaha u soeufetse sa lehloa."

¹⁶ Ka nahana, "Moreri o sheba litho tse ling tsa phutheho ea hae joalo, a robetse, a lutse mono, a eshoa. 'Nkhono, u shebahala u le bosoeu ba lehloa." Yaa.

'Me a hetla morao. A re, "Moena Branham?"

Ka re, "E, Moena Kidd?"

¹⁷ A re, "Be, kea kholoa e ke ke ea nka nako e telele pele A ka theola koloi ea ka." Ho re, "Ke ea nyoloha, hoseng hona."

¹⁸ 'Me ka re, "Ho a babatseha, Moena Kidd." Ka re, "Motho o tlameha ho ikutloa joalo."

¹⁹ 'Me Khaitselinyana Kidd oa khale, ba mo tsebang ba bakae, ka mona? Yaa. Kea tseba, oh, boholo ba lona lea ba tseba. Kahoo tona a re . . . Tšali a re, "Empa, Moena Willy, ha u nahane Molimo a ka folisa papa joale?"

Ho re, "Ehlile, A ka khona."

²⁰ 'Me tona a re, "Be, khanya ho Molimo!" A re, "Haeba A batla ho mpholisa," ho re, "ke—ke itokitse ho sebetsa hape."

Ka nahana, "Lilemo tse mashome a robeli!"

Ka qala ka khumama fatše. Teng ha hlaha pono. Eaba ke phetho.

²¹ Matsatsi a mabeli hamorao, ba mo khutlisetsa kokelong. Bashanyana ba hae ba ne ba le mat leng a sepolesa mono motseng. Ba ne ba sa khone ho e utloisia. O ile a mo khutlisetsa ngakeng. 'Me ngaka ea ingoaea hlooho, ho re, "Monna, ha ke fumane le mohlala oa ntho eo kae kapa kae, joale, mpolelle pale ea hau." 'Me a batla a heletsa kokelo. Ho khutlela hantle morao ka sehatisi sa hae sa teipi, ke enoa a etla, a ntse a letsa Molaetsa. 'Me ba lula mono . . . 'Me hantle mono haufi le Chautauqua le mono.

²² Joale, hang feela ha ke qala *Litiiso Tse Supileng*, joalokaha re entse ka *Mengoaha E Supileng Ea Kereke*. O ntetselitse bosiung bo bong, a re, "Be, moratuo, hoja ke e-na le chelete feela," a re, "ke hlile ke rata ho theoha."

²³ Ka re, "E lebale, Mof. Kidd. Phaposi ea hau—ea hau e u emetse. Uena le pop le ka theoha."

A re, "Ho hlohonolofatsoe peloana ea hau!"

²⁴ 'Me hoo ho nkutloisa monate ruri, le a tseba, hoba ba a nkothatsa. Lilemong tse mashome a robeli a metso e mehlano kapa mashome a robeli a metso e tšeletseng, le ho tsoelapele. Ebe 'na, ke tletleba mona, ka mashome a mahlano a metso e meraro. Ka hona, khili, ke utloa ke khothalitsoe ke eona.

²⁵ Be, re ka bua ka lintho tse ngata haholo, le seholpha se ratehang hakaale ho bua le sona, khele, re ne re ka lula mona feela halofo ea bosiu.

²⁶ Empa le lokela ho ea sekolong sa Sontaha hoseng joale. Joale, le lokela ho etsa bonneta ba ho etsa hoo. 'Me le hopole, esale ke boletse, hore ke sebe se tletseng ho romela bana ba hau sekolong sa Sontaha. U se etse hoo le ka mohla. Ke phoso. Ba ise, kamehla. Le a bona? Tsamaea le bona kamehla. U... 'Me ka hona, joale, mono ke hoseng.

²⁷ Ka hona, joale, haeba u tla tlameha ho lofa mosebetsing, ho utloa, ho ba le rona le ho rapela le rona, le joalo-joalo, u tlameha ho lofela mosebetsi, ho itoketse. Tsoela pele feela u lofele mosebetsi, empa u se ke oa lofela kereke. U se ke oa lofela kereke. Nke ke ka le liehisa hoo le ka lofolang kereke. Empa haeba u tlameha ho lofela mosebetsi, hang ka nako, seo se ke ke sa u lematsa. Joale, ehlide, mosebetsi, boo ke bohobe ba hau ba letsatsi feela, 'me, uena, Morena o tsepisitse ho baballa hoo. Ka hona, empa, sena, ruri u tšoanelia ho etsa bonneta ba ho tla kerekeng. Lea bona?

²⁸ Ha ke nahana, hosane hoseng, ke 'moho le moena e mong ea lokileng mona motseng. Empa ha ke tsebe lebitso la hae hona joale. Ke kholoa e bitsoa Apostolic Church, kapa Apostolic Church, ke rialo. Ke Apostolic Church. Mohlomong nka—nka tseba moena. Lebitso la hae ha le eo pampiring. Empa ha ke—ha ke tsebe hore moena ke mang nakong ena. E ntano ba hosane bosiu, holimo... [Moena e mong o re, "Macias."—Mohl.] Ntšoarele? ["Moena Macias."] Moena Macias. Oh, Macias. Oho, kereke ea Meksiko. Na ho joalo? Oh, na ke eena ea tlatsitseng sebaka sa Moena Garcia mohla a neng a tloha mona? ["Ho lokile."] Botle. Ho lokile haholo.

²⁹ Helang, ke fumane lengolo, mona nakoana e fetileng, le tsoang ho morali oa hae, holimo... Moena Garcia, holimo ka hare—ka hare ho California, o sa ntse a tiiselitse. Kahoo, ke leboha haholo. 'Me ke bone Moena le Khaitseli Garcia ha ke ne ke le San Jose, ke a kholoa, le Moena Borders holimo mono. Ba ntse ba phela hantle feela. Nke ke ka lebala masiu ao holimo mono kerekang ea Meksiko. Ha ke eso utloe "Gloria a Dios" e ngata hakana bophelong bohole ba ka. Ha ke sa tla lebala seo, "Gloria le Dios."

³⁰ [Moena Williams o bua le Moena Branham—Mohl.] Khele! Kea leboha, Moena Williams. Ke hantle. Litulo tse sekete le makholo a mahlano, hoseng, ka hare ho kereke ena. Helang,

motho e mong le e mong a tle, ha u sa ee . . . Joale, beang butle motsotso. Ke mpe ke ele hloko mabapi le hoo. Ke buile phoso lekhatheng leo. Che. Ka botšepehi bohole, u lule temeng ea hau ea mosebetsi. Le a bona? U se ke . . . Joale, hoo ho itoketse.

³¹ 'Me kajeno ke ba fumane ba . . . Ke bone tente. Ke ne ke le tlase mona Sixteenth and Henshaw. Kapa, ho kile ha ba joalo mohla ke neng ke le kahare, mona Arizona, lilemo tse ka bang mashome a mararo a metso e mehlano tse fetileng, tsela ea khale ea mobu. Ke ile ka tsoela mono moo ba neng ba le teng, 'me e ne e le Sixteenth and Henshaw. Ke ne ke lula moo le batho ba bang, Francisco, 'me—'me joale u ke ke ua tseba le sona sebaka seo. Esita le lebitso le fetotsoe. Ke kholoa se bitsoa Buckeye Road joale.

'Me, oh, kamoo lintho li fetohang, empa Molimo ha o fetohe.

³² 'Me ka hona ke ne ke le mono 'me ka bona moena a tšoere kopano ea tente. Moena e mong tlase mono ea neng a thakhisitse tente. Ke ile ka pota ho bona haeba nka mo bona, empa ka se ke 'mona kae kapa kae, ho mo bolella hoba mona ha rea tlela ho hlolisana le eena. Empa, feela mona batho ba bangata haholo!

³³ Ke hopola Jack Shuler. Sena se ka ba molemo ho lona batho ba Methodise. Mohla ke ne ke etetse mona, ke ne ke le Madison Square Garden, Jack o ne a le kantle mona—mona sekolong se phahameng. 'Me—'me ka mo letsetsa. 'Me ka re, "Moena Jack?"

A re, "E. Na ke Moena Branham?"

Ka re, "E." Ka re, "Ke mathela hantle kahare ka mona holim'a hau."

³⁴ 'Me a re, "Che." Ho re, "Che. Ke mpa ke lutse nako e telele haholo 'me ka kenella nako ea hau."

³⁵ 'Me ka re, "Oh, ke masoabi, Moena Jack." Ka re, "Ha kea . . ."

³⁶ "Ah," a re—ho re, "ho itoketse, Moena Branham." Ho re, "Ba ne ba mpa ba batla hore ke sale."

³⁷ Ka re, "Oh, sehlopha sa ka se ke ke sa u hlopha ka ntle mono, le hona, Jack," ka re, "hobane boholo ba ka ke Pentekosta."

A re, "Ehlile, le ba ka, ke eona."

Ka re, "Yaa?"

"Hobaneng," a re, "ehlile." A re, "'Na ke mopentekosta."

³⁸ Ka re, "Joale, u mpe u se tsebise Bob taba eo." Ke ntate oa hae, lea tseba. 'Me ke Methodise, le eena, ea takiloeng boea, le a tseba.

³⁹ "Be," a re, "Moena Branham, na ha u tsebe hore e—e pentekosta ke eng?"

Ka re, "Ke nahana joalo."

Ho re, "Ke Methodise ea Molao."

⁴⁰ Ho batla ho le joalo hantle feela, Methodise ea Molao. Ke hantle. Hola kereke ea Methodise ea tsoelapele ka molaetsa oa eona, e ka be e ile ea kena hantle ho pentekosta. E—e Kereke ea makhonthe e entse joalo.

⁴¹ Che, ha se ho nyatsa mokhatlo oa lona joale, moena. U a bona? Hobane, pentekosta ha se mokhatlo. Ba lekile ho etsa hoo, empa ruri mono ba hlollehile. Le a bona? Ke boiphihlelo. Yaa. Pentekosta e etselitsoe Makatolike, kapa—kapa Bajuda, kapa mang ea fumanang... Pentekosta ke boiphihlelo, ha se mokhatlo.

⁴² 'Me joale haeba motho e mong le e mong a phetlile Bibebe ea hae, kapa e koetsoe, u ka rata ho bala le 'na Mantsoe a 'maloa. Ke rata ho bala Lentsoe, lona ha le rate? Hobane, holim'a tsohle, seo nka se buang se ka hlolleha, hoba ke motho. Empa seo A se buang se ke ke sa hlolleha. Le a bona? "Maholimo le lefatše li tla feta, empa Lentsoe la Ka le ke ke la hlolleha." Oh! Na hoo ha ho babatsehe? Lentsoe la Hae le ke ke la hlolleha. Ke ntho e khanyang hakaakang! Lentsoe la Hae le ke ke la hlolleha.

⁴³ Joale ha re baleng bosiusa ho tsoa, 'me re rale theronyana ho tsoa teng, seo ke tlang ho se sebelisa e le sehlooho, ha Morena a ratile. Se Bukeng ea Amose, boporofeta ba Amose. 'Me o batla a phetse makholo a supileng le... Ke kholoa e batla e le lilemo tse makholo a supileng le mashome a robeli a metso e supileng pele Kreste a fihla. Ha re phetleng khaolong ea 3 ea Amose, Lentsoe la Morena ka Amose. 'Me ke—ke rata monna enoa. O nkuoa e le e mong oa baporofeta ba banyenyane, empa ruri o ne a e-na le Lentsoe la Morena.

Utloang lentsoe lena leo MORENA a le boletseng holim'a lona, Lona bana ba Iseraele, bakeng sa lelapa lohle leo ke le ntšitseng naheng ea Egepeta, ka re,

Ke tsebile uena feela... meloko eohle ea lefatše: ka baka leo ke tla le otla ka baka la bokhopo a lona kaofela.

Na ba babeli ba tla tsamaea hammoho, ba sa lumellana?

Na tau e puruma morung, e se na seo e ka se tsomang? na taoana e ka lla lemeneng la eona, ha e sa tšoara letho?

Nonyana e ka oela lerabeng la lefatše, ho se ntho e chehileng? na leraba le beiloeng fatše le ka tlolela holimo, le sa tšoara letho na?

Na terompeta e ka letsoa motseng, 'me batho ba sa tšohe? na tlokotsi e ka hlaha motseng e sa hlahisoa ke MORENA?

Ka sebele Morena... ha a etse letho, a eso ho senolele liphiri tsa hae ho bahlanka ba hae baporofeta.

Tau e a puruma, ke mang ea ke keng a tšoha? Morena MOLIMO o boletse, ke mang ea sa tl'o porofeta?

⁴⁴ Morena a ke a ekeletse mahlohonolo a Hae Mantsoeng ana.

⁴⁵ Mahlo a hae a tlameha a ile a sesefala, ha letsatsi le chesang le ne le chaba hoseng hoo le phatsimisa litelu tsa hae tse tšoeu le moriri oa hae, ha a hloella leralla ka leboea ho Samaria 'me a nyarela motse oo. Liaparo tsa hae e batla e le tsa tloaelo, le maoto a hae a le lerôle. A sa shebahale hakaalo, empa a tšoaretse batho HO RIALO MORENA.

⁴⁶ Kajeno ho fapane hakaakang hole le boevangeli ba rōna ba kajeno! Re fihlela malulo a fapaneng hakakang, ho e-na le a hae!

⁴⁷ Mothoana enoa, e ne e se mang haese Amose, moperofeta oa 'nete oa Morena, ka Lentsoe la Morena, bakeng sa moloko oo o tletseng sebe! Monnana enoa ea se nang tšabo, o porofetile matsatsing a Jeroboame oa bobeli.

⁴⁸ Jeroboame o ne a le bohlale, a le masene haholo, monna ea seli, empa e ne e le morapeli oa liseto. 'Me Jeroboame o ne a phahamiselitse 'muso oa hae tlhorong ea oona, empa o ne a quaoe lisetong. A e sebetsa ka tsela e phoso. Empa 'muso o ne o atlehile tlas'a Jeroboame.

⁴⁹ 'Me, ka tloaelo, katleho e hlahisa sebe. Batho ba bangata ba shalima katleho e le mahlohonolo. E ka ba 'ona, holane re ka e tšoara hantle. Empa hangata e isa sebeng, ho hlompholla Molimo.

⁵⁰ 'Muso o ne o atleha mehleng ea hae. Le bona, batho. O ne a hlabile selekane le lichaba tsohle tse mo teetseng hare.

⁵¹ 'Me kamoo Iseraele e neng e khelohetse sebeng se tšabehang, ba tlohile ho Molimo, ba fapohile litaelo tsa Hae le likomelo tsa Hae, 'me ba khelohile, ka botlalo, ba ferekane. Basali ba tsamaea literateng, ka liaparo tsa bona tse ntle, tse hananang le hlompheho. Banna ba tsamaea hohle, ba becha, ba enoa. Matlo-phapohelo, re ka a bitsa joalo kajeno, sebaka sa menyaka, se ne se bulehile har'a motse.

⁵² Sebe se ne se hlokomolohuoa ke tšebeletso ea lentsoe, se eme lepalapaleng feela. Sebaka se setle, setsi se setle sa bahahlauli, 'me se phatlaletse. Sebe se se se sa hhole se khalemelo sefaleng. Se ne se tšoasolohile.

⁵³ 'Me eitseha seporofeto sena se hлаha, ho bonahetse se ke ke sa... E ne e tla ba ntho ea ho qetela e ka etsahalang. Ho latela seo moperofeta enoa a ba boleletseng sona, e tla ba ntho ea ho qetela e ka ba hlahelang, ho tsoa kamoo a rohakileng moloko oo. Empa, leha ho le joalo, kahar'a lilemo tse mashome a mahlano, 'muso oa bona oa falatsoa ka botlalo lefatšeng.

⁵⁴ Molimo o bua Lentsoe la Hae. 'Me Lentsoe la Molimo le tšoana le Peo. 'Me ha E jaloa, ha moperofeta eo ea tlang ka Lentsoe la Morena 'me a bua mantsoe ana, a ne a tlamehile ho hлаha, haeba e ne e le Mantsoe a Molimo. Ha e—e Lentsoe la

Morena le tlotsitsoe, 'me Ke Lentsoe la Morena, Le tlamehile ho nka sebaka sa Lona sehleng sa Lona.

⁵⁵ Re ka Le bona, ka mora likete tsa lilemo, Le nka sebaka sa lona kajeno. Le tlameha ho e etsa, hoba Ke Lentsoe la Morena, 'me Le ke ke la timela.

⁵⁶ Motho o ne a bua le 'na tsatsi le leng, 'me o itse, "Genese e fosahetse, matsatsi a tšeletseng a popo, ao A a boletseng."

⁵⁷ Ka re, "Genese 1 ho isa ho (Genese) 2 ke ntho e fapaneng ka ho felletseng." Khaolo ea 1 ea Genese e re, "Tšimolohong Molimo o ne o hhole maholimo le lefatše," nako. Kamoo A e entseng, le mohla A e entseng, hoo ho ho Eena. E. Mohlang oo, "Lefatše le ne le se na sebopeho, le le feels," re ntso qala ho tloha mono, bakeng sa popo. Empa, "Tšimolohong," hole hakae, ha re tsebe. Lipeo tseo tsohle tseo A neng a li bolokile ka mono mohla metsi a neng a tloha, bophelo bo ile ba khutlela lefatšeng hape, ba tlatsa lefatše. 'Me ha Lentsoe la Molimo le jaloa, ha ho letho le ka Le thibelang ho etsahala.

⁵⁸ 'Me moporofeta enoa e monyenyane o hlahile tao-tao. Ntho feela eo re e bolelloang, ho thoe e ne e le molisana. Ha re tsebe ntat'ae. Ha re tsebe 'mè oa hae. Ha re tsebe mahlomela afe a hae, ha ho letho ka eena.

⁵⁹ Ka tloaelo banna ba romiloeng ke Molimo ba hlaha joalo temeng. Ba tsoa tao-tao, 'me ba nyamela joalo. Re ne re sa tšoara tlaleho ea hae, se etsahetseng.

⁶⁰ Monna enoa e moholo Jeroboame, e beng e le e—e matla a maholo a kelello, 'me a hlahletse sechaba katlehong, koana, sebeng.

⁶¹ Ke a ipotsa, haeba re ke ke ra bapisa hoo nakoana le naha ea rona ka sebele, sechaba sa habo rona, sebeng kamoo se keneng kateng. Koana, katleho, re tlil'o fokoletsoa lekhetho, hang-hang, ha ke utloa. Ehlide, mang a ka bala lipakeng tsa mela mono, likhetho li a tla. Empa, joalo-joalo, lintho tsena tsohle tse etsahalang.

⁶² Iseraele, bareri, baprista, le 'muso ba ne ba tlohetse Lentsoe la Molimo, 'me ba ngoaetsa. 'Me ke ka hona naha e neng e le boemong ba eona, leha koana ba bile le baprista ba bangata hakaalo, le bareri ba bangata kamoo bao ba kileng ba ba le bona. Empa ba ne ba tlohetse Lentsoe la Molimo, ba suthetse hole le Lona. 'Me kamehla ke nakong eo, moo Molimo o romelang motho a tsoa tao-tao, ho e phatlola e khutlela tseleng ea eona hape. Motho e mong ea se nang tšabo o tla ema ka Lentsoe la Morena le ho hlokohlela batho moraong Lentsoeng hape.

⁶³ Ke sa tsoa ela hloko mona. Ke ne ke ngotse lethoana mona, seo nka ratang ho lebisa ho sona hape. Ke ho khaolo ea 2, temana ea 4. Ke rata ho e bala. Mamelang thakanyana lena ha le bolela taba ena.

Ho itsoe ke MORENA; Ka baka la litlolo tsena tse tharo tsa Juda, le . . . 'ne, ha ke na ho furalla kotlo ka hona; hobane ba nyelisitse molao oa MORENA, 'me ha ba ka ba boloka litaelo tsa hae, 'me mashano a bona a ba khelositse, e leng seo bontata bona ba ileng ba se latela:

⁶⁴ Na le bona moo molaetsa oa hae o neng o le teng? Ho e busetsa hantle morao, hore ba ne ba furaletse Lentsoe la Molimo. Ho 'mali ofe oa Bibele, seo se u tsebisa hore e ne e le moporofeta oa 'nete. A ba busetsa hantle feela Lentsoeng, moo ba neng ba oeles teng.

⁶⁵ Oh, mohlomong likereke tsa bona li ne li atlehile. Ekaba mehaho ea bona e ne e le metle. Ekaba motse oa bona o ne o khahleha ho feta Phoenix. E ne e le koana Samaria, joaloka ha bohole re tseba, e ne e le setsihali sa bahahlauli. Se sa le joalo, sebaka se khahlehang.

⁶⁶ Empa, koana, ba ne ba faohile Molimo. 'Me Molimo oa ba romella lenqosa lena. Ha se le molaetsa oa khalemo ho tsoa ho Molimo! Moporofeta enoa e monyenyanne o ile a ba ntša.

⁶⁷ Joale, Amose o tsoile lefeelleng, ho ea motseng oa bokhabane. Ha ho makatse ha mahloana a hae a abiloeng se-Molimo a ile a sesefala ha a hloella leralla. Eena . . .

⁶⁸ Eseng joaloka mohahlauri, maleiti, ho re, "Shebang liloana tsohle tse rekoang ke basali. Shebang litaelo tse ncha tseo ba li sibolotseng mona," kapa e seng joalokaha banna ba bang ba ka nahana, "Lik'hasino, le lintho tse joalo, li ne li babatseha motseng," kapa hobane ba ka lula likoung tsa mebila le ho boha bong bo botšebari ha bo feta, takatso.

⁶⁹ Empa moporofeta enoa, mahlo a hae a sesefalitsoe ke sebe seo a se boneng motseng. A ne a sa sesefatsoe ke lintho tseo a li tsotileng, empa ho bona kamoo ba neng ba suthetse hole le Molimo kateng, batho ba bitsitsoeng le ba khethiloeng. Na le hlokometse mona? O itse, "Ha ke tsebe batho ba bang haese uena. Ke le ntšitse Egepeta, le ntano tloha ho 'Na joalo."

⁷⁰ 'Me eitseha moporofeta enoa, a tsoa e le molisa oa mehlape holimo naheng ea leboea, ka Lentsoe la Morena, kamoo a ileng a talima motse oo kateng. O tlamehile a be ile a phumula mofufutso. Liaparo tsa hae li le mahoashe. 'Me koana ho se chelete e lekaneng ho mo rekela e—e phaposi ea bosiu boo. E ne e sa etse phapang ea letho ho eena. O ne a bolokile molaetsa o tukang pelong ea hae, 'me o tlameha ho o hlahisa. E seng hoo feela, empa le tlolo ea Moea o Halalelang e neng e mo teile lefeelleng mono, e ne e koaletsé mahlo a hae mabekebeke a lefatše.

⁷¹ 'Me mohlanka ofe ea tlotsitsoeng oa Kreste, mahlo a bona a foufaletse lintho tsa lefatše. Ha ba bone lintho tseo. Ha ba li batle. Ba na le ntho e le 'ngoe: Kreste o pel'a bona. Ke phetho seo ba se bonang. Ha ba tšabe letho. Kreste o pel'a bona. Molaetsa

o tlameha ho fetisetsoa ho batho, 'me ha ba emisoe ke letho. U ke ke oa E chesa ka ho bona. U ka ba hlahlela teronkong, chankaneng, sohle seo u se batlang. Ba tsoa hantle ka eona hape. Ke motlotsuoa oa Morena. E.

⁷² O ne a talimile ho pherehlana moea ha motse, boitšoaro bo bobe, le ho bola moea ha motse oo.

⁷³ Kea ipotsa ke bahlanka ba bakae ba Morena, ba parolang ba theosa le thaba holimo mona, ba ka sheba Phoenix? Mona le tlela bokhabane, le mahlaseli a letsatsi, le ho phomola, etsoe lintho tseo re ke ke ra li khella fats'e.

⁷⁴ Ha se khale haholo mona, nakoana e fetileng ha ke etetse mona, ke lutse holim'a South Mountain, mohatsa ka o lutse morao mono, Ke ne ke qoqa le eena. Ka re, "Lilemong tse ka bang makholo a mararo kapa a mane tse fetileng phula e ne e le sebaka se setle, ntle le pelaelo, mohla Noka ea Salt e neng e haola mona, le liphokojoe, le lintho tse joalo, makhala a hlahisang menoko. Shebang kamoo e leng... Ntho eohle e fetohile hleke-hleke ea sebe."

'Me a re, "Be, ebe mona u tlisoa ke'ng?"

⁷⁵ Ka re, "Ke sena se ntlisang mona. Le har'a lefifi la 'ona le sebeng seo motse o leng hara sona, mapaki a mang a Morena a teng, liemahale tse phelang tsa Kreste, tlase mono. Ke tlide ho ba tšehetsta lehetla ka lehetla, ho khantsa Leseli la Evangelii. Ba bang ba baenanyana bao ba khale tlase mono koung ea seterata kae-kae, ba hutse ka falese, 'me ba e fufuleletsoe, 'me ba lla 'me ba e rapella, ka molaetsa pelong tsa bona. Ke tlide ho lahlela seabo le bona, ho khantsa Leseli la Evangelii e sa tsoakoang ea Jesu Kreste ho isoa sebakeng sa motse o moholo ona o matahaneng oa Phoenix."

⁷⁶ Ho 'ona, leha ho le joalo, e ka ba sebaka se babatsehang; ha motho a ka sebelisa bokhoni ba hae boo a khonneng ho bo finyella, ho haha malapa a matle joaloka holim'a Camelback Mountain, Cavalier Mountain. Eitseha ke feta mono, khele, lilemo tse mashome a mararo a metso e mehlano tse fetileng, e ne e le lehoatata. Re ne re mathisa lipokola mono re kaletse lipere. Le holim'a South Mountain, ho lelekisa lipokola le lipere.

⁷⁷ 'Me joale o fetohile sebaka se seholo sa metropilisi oa motsehali o motle ona. O ntse o hola ho ba mashome a likete tse atisoang ka likete. O atolohile, ho fihlela joale bobolu ba eona metse bo o lihetse ts'enye hong. Semoko se hahaba se kena. Mongobo oa lona o mobe joaloka oa Jeffersonville, Indiana, Phuleng ea Ohio. Morero oa nosetso... Motho kamehla o silafatsa lefatše. Mohla Maindia a neng a le ruile, e ne e le tulo e ntle. Empa eareha makhoa a kena, a tlisa libe tsa hae, le joala, le bohlola. 'Me o silafalitse masimo ho fihlela e se e se letho haese letša la manyala. Ke ntho e kakang ho e shalima! Molimo o tla e falatsa sefahlehong sa lefatše, ka le leng la matsatsi ana.

⁷⁸ 'Me O ntse a khetha batho, ka ho loka, ba tla busa holim'a lefatše, joalokaha A busa e le Khosi. Joale O nka batho ba Hae bakeng sa Lebitso la Hae, batho bakeng sa 'Muso oa Hae.

⁷⁹ Joale, na sehlopha sena se bohlale, se masene, se hlalefileng sa Iseraele; mopresidente oa eona e moholo, ea matla, ea hlalefileng kapa khosi, Jeroboame, e beng e le monna ea masene; 'me na ba ne ba tla mamela moporofetanyana enoa, ea sa tsebjoeng? Na molaetsa o moholo ona, o tukang pelong ea hae, na o ne a ka khona ho tsamaea literateng, 'me batho ba ne ba tla tla, basali, ba apare makhethe hape, banna ba ne ba tela matlu a thitelo le libaka tsa sebe, le ho sokolohela ho Molimo ka theroy ea thakanyana lena, le sa tsejоeng? Mohlomong potso e ne e ka fihla kelellong ea hae, kapa e finyella ea ka, ha ke 'mona a eme mono, 'me hloohoana ea hae e lefatla e phatsima letsatsing. Litelu tsa hae tse putsoa li leketlile li ithatikile ka jase ea hae. A nyaretse tlase mono, 'me a shalimile holim'a motse oo, 'me mahlo a hae a sesefala, le pelo ea hae ea tobolaka.

⁸⁰ 'Me koana, ka mono, o bone 'Muso oa Molimo, o lokelang ho theoa mono, bohole ba lukela sebeng. Le ka khalemelo e tsoang ho Molimo, e neng e tla khalemela khosi ho isa ho mokopi seterateng, moprista e mong le e mong, khosi, 'musi, molaoli, bokhos, seo a neng a le sona feela, o ne a ribehile thohako ea Molimo holim'a bona. Hobane bona . . . U nahana hore ba ka mo amohela. Oh, na ba ne ba tla e utloisia?

⁸¹ Hopolang, o ne a sa thoholetsoe. O tlide a fapane le baevangeli ba rona ba kajeno. O ne a sa thoholetsoe ke baprista. Ba bile ba sa tsebe le hore thaka lena e ne e le mang. Empa e Mong o teng ea tsebileng hoba e ne e le mang. E ne e le Ea mo romileng. Ntho eohle e baletsoe, eena, ha feela a tsebile moo a rometsoeng a tsoa teng. Molaetsa oa hae o ne o loketse ho tsoelapele ka ho tsoana, ho sa tsotellehe.

⁸² O ne a sa tsoara litšoanelo tsa bolumeli ho mo tšehtsa ha a kena motseng, ho etela mokhatlo oa bareri, ho re, "Banabeso, ke rometsoe ke sehlopha *sena* se itseng, sehlopha sena sa bolumeli. Ke setho sa ho *itseng-ho-itseng*." O ne a se na seo. O ne a se na hofe hoa lintho tseo. Hape a sa tsoara setlankana sa bolekane ho bontša hore o ne a eme ka botšepehi bolekaneng 'moho le mokhatlo oa bareri ho tsoa naheng eo a lhahang ho eona. A se na tšebelisano-'moho letšolong la hae. Ha a botsa mang kapa mang ka eona.

⁸³ Thakanyana leo le ne le eme sebakeng se thata. Ho ne ho ka lekana hore motho a furalle 'me a khutle, 'me a nke mohlape oa hae hape, ho qala moo a qeteletseng, hoja a ne a ka nahana feela.

⁸⁴ Empa, le a bona, monna eo ha a ka a nahana habeli. Ha a ka nahana ka litšoanelo life, hape ha a ka a nahana ka setlankana sa bolekane. O ne a nahana ka ho le hong feela, 'me hona e ne e le Lentsoe la Morena. Molimo o ne o mo file Lona ka taelo,

hore o tlamehile ho ea teng le ho porofeta. Ke sohle se entseng phapang ho eena. O ne a kakatletse Lentsoe la Morena, 'me ka hona a ikutloa a sa hloke litšoanelo tsa bopaki, kapa thoholets efe, kapa tšebelisano efe. O ne a hloka ho le hong, hona, o ne a sebelisana le Molimo 'moho, 'me ke phetho se neng se hlokahala. Ha feels a ne a le thatong ea Morena, e entse phapang efe? Ha feels a tsebile hoba molaetsa oa hae o tsoile ho Molimo, Molimo o ne o tla netefatsa molaetsa oo. O ne a tlamehile.

⁸⁵ 'Me eitseha a tlisa molaetsa, ho bonahetse baprista bohole, le bareri ba tla ba teng, le baporofeta ba mehla eo, ba ne ba tla kena le ho baka, hobane ba ka be ba bone boemo ba sebaka seo, ho bona boitšoaro bo hlephileng. Empa eitse ha a qala a porofeta ka Lentsoe la Morena, E ne e le ntho e hosele ho bona. Ba ne ba sa tsebe letho ka Lona.

⁸⁶ Ehlide ke setšoantšo sa kajeno. Hosele, molaetsa oa Morena! Kereke ha e tsebe letho ka 'ona. Ha ba utloa batho ba ema 'me ba hlahisa molaetsa ka lipuo tse sa tsejoeng, 'me ba o toloka, le ho tlaleha ntho e le mothating oa ho etsahala, batho ba sokolla lihlooho tsa bona ba tloha; ba hopola batho baa hlanya. Ba ka bona motho a phahama ka Moea 'me a porofeta, kapa a hlahisa molaetsa o tsoang ho Morena, khele, batho ba lefatše la likereke kajeno ba nahana motho a lahlehetsoe ke kelello. Ke ntho esehe ho bona, hoba ba batla ba le maemong a tšoanang, kajeno, joaloka Samaria letsatsing leo.

⁸⁷ Empa, hopolang, mohla lichaba li ne li kena, kapa kamehla kereke ea Molimo e ne e kena maemong ao, Molimo o khonne ho hlahisa moporofeta ka Lentsoe la Morena ho bona. Ruri.

⁸⁸ Ba ne ba o lebetse, khale. Empa ba tlamehile hore ba be ba hopotse, ho sa tsotolehe le haeba ba ne ba ka hlahluba libuka tsa bona, le ho bona haeba ba ne ba tšoere thaka le tsoang likolong tse ling tsa bona, ea bitsoang Ngk. Amose, kapa che. Ba ne ba loketse ho tseba, ho re, "Molimo oa Abrahama o ne o ka tsosa bana le ka majoe ana, kapa baporofeta, ho tlisa Lentsoe la Hae."

⁸⁹ 'Me 'ona Molimo oo o bokhoni hakaalo bosiusing bona joalokaha O khonne mohlang oo. 'Me eona, ehlide, e ne e tla ba ho hloka kutloisiso bathong. A ka hlahisa banna, ho tlotsa banna, ho tlisa Lentsoe la Hae. A ka kenya Lentsoe ka ho motho, ho mo roma, le ho paka hore Ke Molimo, ka motho eo ea tla ikokobeletsa le ho ithobela Molimo, 'me a sa tsabe ho nka Molimo Lentsoeng la Hae. O khona ho e phethisa, 'me O tla e phethisa. O tšepisitse hore O tla etsa joalo.

⁹⁰ 'Me Mantsoe a Hae, ehlide, a ne a netefaletsoa bona letsatsing leo. Hobane, enereha moloko oo o sa phela, sohle seo Amose a se profetileng se phethahetse.

⁹¹ Ke a ipotsa kajeno, joale, hola Amose a ka fihla ho rona, na re ne re tla mo amohela kajeno? Na Phoenix e ne e tla amohela Amose? Haeba kae-kae mose ho thaba mona, kae-kae, kapa

tlase ho tsoa karolong e 'ngoe ea naha, ha fihla lethakanyana, le apereng mahoashe joalo, la kena ka mona la laela bareri, le ho re, "Ke tšoere Lentsoe la Morena," na le nahana re ne re tla mo amohela? Ruri ha ho joalo.

Ntho ea pele eo re neng re tla mo botsa eona, "Ebe u ikamahanya le sehlopha sefe?"⁹²

⁹² 'Me ho ka thoeng haeba a ne a ka reteleha, ho re, "Sehlopha sa Leholido"? Taba eo e ka batla e sa tloaeleha ho rona, ke a tšaba.

⁹³ Empa ho ne ho le joalo mohlang oo. 'Me mohlomong ho ka ba joalo le kajeno holane Amose a ka hlahla temeng.

⁹⁴ Ha rona, molemong oa seo ke sa tsoa se bua, re mo fallisetseng mona, metsotsaana e seng mekae, le ho bona seo re hopolang a ne a tla se etsa. Le tseba seo a neng a tla se etsa? Ke lumela a ne a ke ke a lumellana le tlhophiso eohle ea rona. E, monghali. O ne a tla banana le lithuto tsa rona tsa mekhatlo. O ne a tla ahlola Methodise, Mabaptise, Presbeteriene, Lutheran, Katolike, le Mapentekosta. O ne a tla kenyelelsa ntho eohle. Ruri o ne a tla etsa joalo. O ne a tla banana le lithuto tsa bona tsa mekhatlo. O ne a tla toba ka kotloloho motheong oa mantlha oa Lentsoe, le ho qala hantle Lentsoeng. O ne a tla qala letšolo la hae holim'a HO RIALO MORENA.

⁹⁵ Khele, khele, le nahana hore Phoenix e ne e tla mo amohela? Le nahana hore Louisville e ne e tla mo amohela; New York, Boston, Massachusetts, kapa kae moo e ka bang teng, California? Che, monghali. Ba ne ba tla hlahlala mothakanyana teronkong kapele kamoo ba ka mo hlahlelang. Ruri ehlile. Ruri ba ne ba tla etsa joalo. Holane a ne a ka khutlela Lentsoeng, ke tille ba ne ba tla etsa joalo, hoba sehlopha ka seng se ne se tla banana le eena. Ho ne ho sa tl'o ba ea mong ho lumellana le eena, ehlile ba tlamehile ho tiisetsa lineeletsano tsa bona ho se lumellane le Lentsoe.

⁹⁶ Re ne re tla lokela ho hopola hore ke moporofeta oa 'nete. Haeba e ne e le eena, 'me haeba e ne e le moporofeta ea romiloeng ho tsoa ho Molimo, o ne a tla ba letšoao le le leng holim'a hae, letšoao le leng le ttileng leo re tsebang hore ke moporofeta: o ne a tla lula le Lentsoe. Hoba, ke hona moo Lentsoe la Molimo le ttileng, e ne e le ho baporofeta.

⁹⁷ Na le tseba seo a neng a tla se etsa? O ne a tla phatlola a ahlole moloko ona. O ne a tla nyatsa mosali e mong le e mong ea pommeng moriri naheng. O ne a tla nyatsa moreri e mong le e mong oa phutheho ea bolumeli. Ruri o ne a tla etsa joalo. O ne a tla nyatsa motsubi e mong le e mong oa sakrete, mosali e mong le e mong ea aparang marikhoana kapa dileke. O ne a tla ba rusulla. Hobaneng? E khahlano le Lentsoe. Hantle haholo.

⁹⁸ Le nahana hore re ne re tla mo amohela? Le ho leka. Ba ne ba sa tl'o mo amohela.

⁹⁹ O ne a tla nyatsa maitšoaro a mabe a kereke. O na a tla tsokotsa monoana oo oa khale o sosobaneng sefahlehong sa bareri bao a re, “U mpolella hore u ipitsa mohlanka ea tlotsitsoeng oa Molimo, le ho ema sefaleng le ho lumella basali ba lona ho aparela ho chachehisa nama har'a banna ba lona, le lintho tse kang tseo? Ho lesa basetsana ba lona ho holisoa joalo? Le tla lumella banna ba lona ho nyala habeli kapa hararo, le ho ba batikone ka har'a likereke? Le batla ho mpolella hore le tla tiisetra litšoanelo tseo le li kokositseng letsohong la lona, le ho kheloha Lentsoe la Molimo?” Oh, khili! O ne a tla phatlola ntho eo. E, monghali. Boitšoaro bo hlephileng ba kereke, le boitšoaro bo hlephileng ba litho, o ne a tla bo qhomisa. Khele! Setho ka seng, o ne a tla heletsa. Thuto ka ’ngoe ea seminari e entsoeng ke motho, o ne a tla tabola ntho eo likoto.

¹⁰⁰ Joale, na le ne le ka amohela monna ea joalo? Che. Ba ne ba ke ke ba e etsa. Ruri ba ne ba ke ke ba e etsa. Ba ne ba tla ntšetsa thaka leo kantle ho motse kapele kamoo ba neng ba ka khona. Khele, mokhatlo o ne o tla phutheha ’moho, le ho re, “Helang, re tlameha ho etsa ho hong ka taba ena. Bolellang phutheho tsa lona ho se etele mono ho ea utloa seo.” Che. Che. Re ne re ke ke ra mo amohela, ho hang, re ne re ke ke ra mo amohela. Ruri. Ba ne ba ke ke ba e etsa.

¹⁰¹ Mo utloeng ha a phatlola. Oh, kea e rata mona. Ke shebile hantle ho seo a se buileng. A re, “Oona Molimo oo le itlalehang ho o sebeletsa o tla le timetsa.”

¹⁰² O ne a tla rialo kajeno. Rona maAmerika re ikharetse ka lintho tse ngata tse monate, meaho e mengata hakana e meholo, le lipalo tse kholo mekhatlong ea rona, le botumo bona bohole bo bottle, le bareri ba diseminare ba koetlisitsoeng ho ikhutsetsa le ho se bue letho ka eona, hobane ba tšaba hore ba tla khaoloa kerekeng. Ruri. O ne a tla phatlola ntho eo likoto, hoba e khahlano le Lentsoe. Ruri e ne e tla etsoa. ‘Me ’ona Molimo oo re itlalehang ho o sebeletsa o tla—o tla chesa ntho ena lore, ka le leng la matsatsi ana. O tla e qhomisa likoto.

¹⁰³ Amose o ne a sa tl'o fetola mantsoe a hae, holane a ne a le teng kajeno. Ho tiisetra morao hantle Lentsoeng! Oh! Eng? Mo utloeng ha a ba bolella mono, “Molimo o le ratile. O le tlisitse. Oa le etsa sechaba se khethiloeng.”

¹⁰⁴ Nka rata ho mo utloa ka kerekeng ea Pentekosta khetlo le leng. Le a lumela hore ke Amose, mohlolong le tla hlohloloha mokokotlong oa ka, nakoana. Lea bona? E, o ne a tla ba bolella. O ne a ke ke a honyetsa litebele. O ne a tla e phatlola ka thata kamoo a ka khonang, ’me a ba bolelle moo ba haeletsoeng Lentsoeng.

¹⁰⁵ Molimo o le ntšitseng limoshareng tsena tse entsoeng lapeng, tse entsoeng ke batho, lilemong tse fetileng! Lilemong tse mashome a mahlano tse fetileng, bontata lona le bomma lona

ba tsoile litsamaisong tsena tse neng li bofiloe 'me li sotelitse lefatše ho tsona. 'Me Molimo oa romela mohau oa Hae oa le ntša, hole le sebe le lintho tse—tse neng li le kahar'a kereke. 'Me joale le khutletse morao hantle, joalokaha Samaria a entse. Hoo, Molimo o ba ntšitse linaheng tseo, 'me ba khutlela morao hantle 'me ba hlabo selekane le nahe eo, kamoo re leng kateng kajeno, 'me re leka ho qothisana lehloko a likereke tseo tse kholo tsa mekhatlo. Re haha likolo tse kholoanyane. Eng? Ha re hloke likolo tse kholo. Ho lokile; nke ke ka bua letho khahlano le eona.

¹⁰⁶ Empa nako le nako ha u nka mothei kapa moetapele ea qatsohang letsatsing la hae, be, o tla sebetsa hantle letsatsing la hae, empa, hang hoba a falle, joale ba tla haha mokhatlo holim'a mosebetsi oa hae. Ebe moo ba sunyang mphi ea bo-Ricky ba banyenyane ka mono, le bo-Elvis, 'me, ntho ea pele le a tseba, ba sotha ntho eo hore e tle e ba lekane. 'Me e *mong* enoa o a hlaha 'me o entela ntho eseles, hobane ke moithutihali ea hlalefileng ea tsoang Harvard kae-kae, kapa ho hong. 'Me ntho ea pele, ba qala ba entela *sena*, le ho ntša *Sena*, le ho re *Sena* se ne se sa bolele *sane* le *sane*. Le boetse le khutletse qhafutsong e tšoanang le ea khale hape. E.

¹⁰⁷ Hola Amose a ne a ka fihla mona, o ne a tla phatlolela ntho eo hantle fatše. Ha a ka a thea letšolo la hae holim'a likereke tse kae tseo a ka li tholang ho sebelisana le eena. A ke ke a haha kereke ea hae holim'a mokhatlo o itseng kapa lemuloana le itseng la likarolo tsa kereke. Ntho eo a neng a tla e etsa, e ne e tla ba ho haha letšolo la hae holim'a HO RIALO MORENA. Molimo o ne o tla mo tšehtsa joaloka ha A entse kamehla, ho paka hore e lokile. A re, "Bothata bo teng. Meferefere e kahar'a kereke ea lona."

¹⁰⁸ O ne a tla reng kajeno? O ne a ka reng ka Lentsoe leo la Molimo le leketlileng ka pel'a rona? Timothea oa Bobeli 3, moo E boletseng, "E tla ba ba bakaki, baikhohomosi, ba ratang menate ea nama ho feta ba ratang Molimo; ba se nang ho tšepeha, baetsleletsi, ba sa khoneng ho itšoara, le ba hloeang ba lekang ho phela hantle; ba nang le sebopetho sa borapeli, ba mpa ba latola matla a jona." Le nahana hore moporofeta a ka hlaha temeng 'me a feta seporofeto seo mohoalotso?

¹⁰⁹ O tla re, "E etsahetse mahlong a lona letsatsing lena," kamoo kereke e neng e tla hoama, le kamoo ba neng ba tla etsa lintho. O ne a tla—o ne a tla le hopotsa Mantsoe ao a Molimo. O ne a tla le hopotsa seo Molimo a boletseng A tla se etsa letsatsing lena, hola Amose a ka hlaha temeng. Hase hoo feela, empa Molimo o ne a tla paka, ka Amose, seo A tšepeisitseng ho se etsa letsatsing lena. Ruri. O ne a tla etsa joalo. O e entse letsatsing leo. Haesale A e etsa. Ruri.

Re ne re ke ke ra amohela Amose holane a ka hlaha temeng.

¹¹⁰ Joale, joang, “Sebopoho seo sa borapeli,” ho ema holimo mono ka—ka har’ a dik’hoaere, le—le ka mathoko, lik’hoaere tse apereng kobo tse kholo tse telele, le—le ho bina joaloka Mangeloi; le ho tantša, bosiung bo latelang, joaloka matemona. Ke hantle. Le a bona? Ke ’nete e tiileng. Ba bang ba tsoile ka likobo tse kholo, tse telele, tse khabisitsoeng, ekare Boleng bo itseng ba lengeloi; le ho ema holimo mono le ho latola Lentsoe, joaloka moea ofe o mobe. “Ba nang le sebopoho sa borapedi, empa ba latola matla a jona.” Ho tloha, ho bua ka kolobetso ea Moea o Halalelang, bao, khele, o ne a tla—o ne a tla le leleka kerekeng. Le a bona? Hobaneng? O tlamehile joalo. Empa ba tla ema ka hara likereke tsena le ho lumella litho tsa bona, ka mokatong o katlase, ho chaea thwisti le rokon-rolo.

¹¹¹ Le ntho ea rona e bitsoang Y.M.C.A., kea ipotsa hore na C eo e emetse eng. Ha u kena ho tsona, u batla u sa utloe haese Lebitso la Morena u—. Na oo ke Mokhatlo oa Bahlankana ba Rohakang?

¹¹² Nkile ka lula, nakoana e fetileng, hoteleng, mose ho Y.W.C.A. ‘Me e ne e le lihlong ho bona banana bao ba banyenyane kantle holim’ a mokato mono, ho fihlela e ka ba hora ea borobong, ba ntse ba leka ho ithoba maoto, ba chaea thwisti. Ke hantle. ‘Me bohle, e le litho tsa kereke, ba bina dik’hoaereng, ‘me ba ruta sekolo sa Sontaha. Hase letho haese liabolosi, ea rutang bana bao ba banyenyane kantle mono mokatong, tsamaiso e teiloeng, e bitsoang bolumeli. Ruri. Moporofeta oa ’nete o ne a tla phatolela ntho eo a e khutlisetsa mosing oa lihele moo e qalileng. Ruri ke ’nete.

¹¹³ Le nahana Amose a ka ema kalaneng a rera Evangedi, a sheba kantle holima sehlopha sa basali ba ponngoeng moriri ‘me a sa e nyatse? Le nahana hore a ke ke a qotsa Esaia 5, le Bakorinthe ba Pele 14? ‘Me, oh, na a ke ke—a ke ke a e horometsa? Ruri. O ne a tla etsa joalo. Ho tsamaea literateng le ho bona basali ba apereng boseberoana ba liaparo, eka banna, li tiile hofihlela letlalo le le kantle, mohlomong; ba theoha, ba meneka, ba roaroaetsa, ba tsamaea joalo, ba ntse ba iketemisa, le nahana monna oa Molimo a ke ke a ema sefaleng a phatlola ntho eo? Athe, ke ka seoelo ho buuoang ho tsoa—ho tsoa sefaleng. ‘Me ke ka likerekeng tsa Pentekosta, hape. Ke hantle feela. E ne e sa tl’o etsa phapang ea letho ho Amose. Uh-huh. Ba bang... E ne e tla ba eena ea e buang. O ne a sa tl’o tsoha, hoba a ne a tlotsitsoe ke Morena. ‘Me haeba a ne a tsoere HO RIALO MORENA, e ne e tla tlamheha e be Lentsoe la Morena.

¹¹⁴ O tlie Samaria, e seng ho sheba botle ba bona, ho bala hore na ke mekhatlo e mekae, le palo e kae eo ba bileng le eona.

¹¹⁵ Joaloka ha ke boletse bosiung bo bong, eka, kajeno, kereke eohle e hahiloe holima, ntho e kholo hara baena kajeno, ea likereke, ke, “lipalo, lipalo,” e mong o leka ho hlolis a mong.

“Lipalo!” Molimo ha o bale lipalo. O bala semelo. Semelo ke sona seo Molimo o batlang ho se fumana, motho eo O ka beang matsoho a Hae holim’ a hae, motho ea tla ema a khutse nako telelele ho lekaneng.

¹¹⁶ Joalokaha re boletse, “Liqeto! Selemo ho pota, re entse liqeto *tse kana*.” Ao ke *majoe*, “maipolelo.” ’Me lejoe le thusa’ng kantle ho ‘metli oa lejoe ka Lentsoe le bohale la Molimo, ho mo betla ho ba mora oa Molimo, kapa morali oa Molimo, le ho ‘meha ka Kerekeng moo a loketseng? Ho phikolosa majoe ho ke ke ha haha mohaho. U tlameha ho a seha le ho a bopa.

¹¹⁷ Re hloka banna kajeno, banna ba tlotsitsoeng, joaloka Amose, ba tlang ho khaola lefatše ho mosali eo le ho mo etsa morali oa Molimo, ho khaola lefatše leo ho monna. Ho sa tsottelehe na ba lahlueo ke literaseti tse kae, kapa ntho efe feela, o ne a tla ema holim’ a HO RIALO MORENA. E.

¹¹⁸ Re ne re sa tl’o amohela Amose, ha ke nahane, ka mokhoa ona. Le nahana Amose o ne a tla etsa’ng ha a kena kerekeng ea Pentekosta ea kajeno, e itlalehang e tsamaisoa ke Moea o Halalelang, le ho bona ntho eona eo kerekeng ea Pentekosta ba ipolelang ba tataisoa ke Moea o Halalelang? Kea ipotsa. Joale, re ka bua ka Mabaptise, le Mamethodiise, le Maluthere, empa, ha ho tluoa monyakong oa rona o litšila, ebe ho tla thoe’ng ka eona? Ho tloha Lentsoeng la Molimo! Ntho e tsamaile ka phoso, kae-kae. Ke hantle feela. E. Ba tla ‘me ba etsa lintho tsena tsohle tse fapaneng, le ho ipolela ba tsamaisoa ke Moea, ho hobela ka Moea, ka nako e ‘ngoe ba bua ka lipuo.

¹¹⁹ Ke lumela ho buoa ka liteme. Ke lumela ho hobela ka Moea. Ke lumela ho hoeletsa. Empa li ngata lintho tse khemang le eona. Ke hantle. U etsa lintho tseo tsohle, athe u latola Lentsoe, etlaba phoso e teng kae-kae, u arubelitsoe ke moea o fosahetseng. Uh-huh. Molimo ha o tataisetse batho ba Oona linthong tse joalo, le hona. Che. Ha O etse joalo.

¹²⁰ Ha ke nahana nako e fihlile ea mokete o mong o tlang, o mong hape oa Boston Tea Party, haeba ho thualo. Kereke e hloka o mong. E hloka ho hloekisoa hantle.

¹²¹ Mohla, Joan of Arc, matsatsing a fetileng, kereke ea Katolike e fositse ho mo tseba e ne e le mohalaleli mohla a neng a phela, hoba a bone lipono, a khonne ho toloko litoro, mosali ea tlatsitsoeng ka Moea. ’Me Molimo oa sebelisa mofumahatsana eo. ’Me ba mo hopola e le moloi. ’Me ba mo chesa thupeng, joaloka moloi. Le tseba seo. Baprista ba Katolike ke bona ba entseng hoo. Hoba ho fete lilemo tse makholo, ba mo fihlela e ne e le mohalaleli. Joale, mohla ba neng ba tla mo hlomamisa e le mohalaleli, ba tlameha ho itlhonamela. Eaba ba epella setopo sa baprista ba li lahlela nokeng, ho itlhonamela. Le a bona, e fetile mohoalotso hantle feela ‘me ha ba e bona. Ba batla ba entse hona hoo ka Santa Patrick le ba bang bohle.

¹²² Ha ho makatse Jesu a itse, “Le a khabisa le soeufatsa mabitla a baprofeta, athe ke lona le ba kentseng teng.” Ke hantle. Seo re se hlokang kajeno ke Amose ea tla re khutlisetsa Lentsoe la Morena. Ruri e joalo.

¹²³ Joale, maipolelo a rona le lintho ha li bolele letho haese ha Moea oa Molimo o le teng mono ho tšehetsa litlaleho tsa rona. Efela ha maphelo a rona a sa bape le seo re se bolelang, phoso e teng.

¹²⁴ Joan of Arc o eteletse Fora pele ho motsosolosi. Ba ne ba hloka motsosolosi. Ke hantle feela seo ba se entseng. Ba ne ba hloka motsosolosi, 'me o ile a e etella pele. Empa kamora motsosolosi, moo phoso e hlahileng teng, ba ne ba hloka mohlanamisa-letsoso ho otlolla—ho otlolla seo ba neng ba se hlanohetse.

¹²⁵ Ke re kereke ea Pentekosta ke ntho e haufi haholo eo ke e tsebang nqa Bibebe kajeno. Holane ho se joalo, nka be ke le tulong e 'ngoe. Ke hantle. Nka be ke sa eme mona ke senya nako ea ka, ke bua le batho ba Pentekosta, holane ke sa hopole hore litsepö li le teng. Hantle. Pentekosta e nepahetse. Empa ha re hloka Pentekosta ho kopana 'me meetlo ea rona e pshatlehile, ke moo re hlokang mohlanamisa-letsoso. Re hloka mohlanamisi-ea-tlang; ke fumane... e seng boitsekø ba Pentekosta, empa ho khutla ha hloekiso ea Pentekosta.

¹²⁶ Molimo o a halalela. Ba phelang ka Eena ba tlameha ho phela khalalelo. Ke Molimo o halalelang. Bibebe e boletse, “Khalalelo, eo ho seng motho ea ka bonang Morena ha e le sieo.” Ke 'nete. Bophelo ba Hae bo a halalela. 'Me ha Bophelo ba Hae bo ahile ka ho uena, boa u halaletsa. Ha e le sieo, ha u bone Morena. 'Me shebang moo e hoholeloang teng.

¹²⁷ Re batla re itšoanelä le Israele ea eona, leha ho le joalo. Israele e hopotse, kahobane ba ne ba atleha, ntho tsöhle li ne li tsamaea hantle. Ba ne ba hlabile selekane, matsatsing a bona, le metse e meng. 'Me ba entse setlamo. 'Muso o ne o hlabile selekane le bareri, le baprista, le baporofeta. 'Me ba hopola sena se lokile. 'Me ba nahana hoo ho khahlisa Morena feela. Empa ho ne ho hlahe thakanyana ho ba khutlisetsa morao hape. Ke hantle.

¹²⁸ Kahobane ba ile ba atleha, ke hona moo re etsang phoso. Katleho ha se sesupo sa lehlohonolo la moea. Ke hantle. Le hanyenyane ha se sona feela. Katleho, ka linako tse ling, ke tšitiso.

¹²⁹ Le hopola seo Morena a se buileng ka Israele? “Enere sa le monyenyan, u se na letho, mohlang u ne u sulubane tšimong maling a hau, u sa hloatsuoe ke motho, Ka u kenya ka hare. Eaba u a Ntšebeletsa. Empa eaba u a hola u nona pelo oa ikemela, teng eaba u a Ntlhoboba.” Haesale ba etsa joalo le mehla.

¹³⁰ Osiase, joaleka ha ke buile ka eena lijong tsa borakefese ba Borakhoebo hoseng ho hong, e ne e le monna e moholo. A tiisetsa

Morena. Empa tsatsi le leng hoba Molimo o mo matlafatse . . . 'Me e ne e le mohlala o moholo ho moporofeta Esaia. Empa hoba a matlafake, 'me a ikahe, lichaba tsa qala tsa mo tšaba. A aha marako a hae a qala a iphumanela lintho tse khabane. A ikhohomosa. A qala a icheba boholo ba hae. 'Me eaba o leka ho ikhapela setulo sa moreri. 'Me Molimo oa mo otla ka lepera, 'me o shoele e le molepera. Le a bona? Le ka mohla ha re batle ho ikakasa, ka lipelong tsa rona.

¹³¹ 'Me ka linako tse ling, ha re bona mekhatlo ea rona e atleha, re qala re re, "Re seholpha se seholo. Re seholpha se seholo sa Pentekosta se leng teng. Re ruile ho feta tse ling tsohle." Kapa, "U ke ke oa fihla Leholidong haeba u se setho sa seholpha sa rona," kapa ntho e itseng. Mohla le neng le fetoha seo, le ikarotse Lentsoeng la Morena. Hantle. Hopola, kobo e pharaletse hoo e ka otlolleloang ngoan'eno. Ke hantle feela. Mo kenyé kahare.

¹³² Oh, kamoo re hlokang, kajeno, memo ea ho khutlela Lentsoeng la Morena. Shebang, kajeno. 'Me sechaba sa rona se hloka memo ho khutla.

¹³³ Ke tla bua, bo bong ba masiu ana, ha nka khona, ke batla . . . Ke koetile qoso. Ke loketse ho ema ho fihlela ke phutha bareri bohle. E. Ke batla ho qosa moloko ona ka Mali a Jesu Kreste, le ho le pakela eona. Le a bona? Joale, nka lokela joalo, ho tsoela kantle kae-kae ho etsa hoo. Empa re tla, re tla bona haeba re ka tšoara borakefese hoseng ho hong, bakeng sa bareri feela. 'Me ke—ke batla joalo, ha Morena a nthusa, ho supa hantle moo re—moo re habileng teng, tsela e fosahetseng. Re lokela ho khutla. Ha ho mokhoa osele haese ho khutla. Hantle.

¹³⁴ Shebang sechaba sa rona kajeno. Shebang seo re lekang ho se etsa, eona ntho e etsahetseng mongoaheng o lefifi, ho kopanya kereke le 'muso 'moho.

¹³⁵ Shebang kopano, bonngoe, kapa—Lekhotla la Likereke tsa Lefatše. Likereke tsohle li kena Lekhotleng lena la Likereke tsa Lefatše, 'me ba nahana hore bona ke Bonngoe ba Molimo. Hobane, likereke tsohle, United Brethren, banna ba likereke tsa motheo, ba kena mokhatlong o le mong o moholo ona. Ke ka lebaka la ho hloka tsebo ea Lentsoe la Molimo. Moporofeta o boletse hore ntho eo e tla etsahala, "Ba ne ba tla bopa setšoantšo sa sebata, 'me se be le matla ho bua."

¹³⁶ Oh, le nahana hore Amose a ka ema sefaleng bosiusing bona tlase mona, haeba a ne a le kahar'a Phoenix, 'me a hlolehe ho hlaba mokhosi holim'a ntho eo? O ne a sa tl'o ba khahlano le rona, baena, empa a be khahlano le tsamaiso e re hulelang hole le Lentsoe. Ke seo a neng a tla se etsa. "Banna bao ba ka tsamaea 'moho joang?" Bibebe e boletse mona, ka mona, Amose. Morena o itse "Bolella batho, 'Ba babeli ba ka tsamaea hammoho joang, ba sa lumellane?"

¹³⁷ Joale, re tla khona joang ho nka lihlopha tsa rona tsa Pentekosta le ho kena Lekhotleng la Likereke tsa Lefatše, athe halofo ea bona ka mono, ho feta halofo, mashorobelihlano kapa liperesente tse mashorobong-hlano, esita li latola tsoalo ea moroetsana? Baa latola. Kea kholoa, liperesente tse mashorobong-robong tsa bona li latola, ba latola pholiso e Halalelang. Ba latola melao-motheo ea Bibele. Ba latola ho buoa ka liteme. Ke seholpha sa Pentekosta feela se amohelang seo. 'Me ebe re tla ikopanya joang le bona joang bonngoeng? Re tla ba bang joang le bona? Re tla tsamaea joang le bona re sa lumellana le bona? U tla e etsa joang? U tla tlameha ho hana tumelo e kholo ea evangeli eo u e tšoreng, melao-motheo ea motheo ea Bibele, ho tsamaea le bona.

¹³⁸ Ke a le borella, Molimo o bitsa motho ka bomong. O a u bitsa, joaloka motho ka bomong, ho lula le Lentsoe la Hae le ho lula le Eena.

¹³⁹ Molimo o ne o ka tsamaea le bona joang, athe litumeloana tsa bona, tse bopiloeng ke bohlale ba bona ba lefatše, li latola Lentsoe la Hae? Ha tumeloana e amohela thuto ea seholpha sa banna, 'moho, 'me e latola Lentsoe ho ba joalo, ke mohla u tlosang Molimo ho uena. Molimo oa halalela. 'Me Molimo, Bibele e re, O lebelia Lentsoe la Hae, ho Le netefatsa. 'Me A ka netefatsa Lentsoe joang, athe Lentsoe ha le eo mono? Ka lona lebaka leo re fumana litho sebakeng sa bana. Ke hore, re tšoere tumeloana. 'Me bohle ba ka . . .

¹⁴⁰ Lefatše le batla monna ea phahameng. Ba sebeletsa ho . . . Ba batla ntho e ka ba lumellang ho tiisetsa maipolelo a bona a Bokreste le ho phela borata. Basali ba batla ho itšoara se sa Hollywood 'me ba ntse ba tiisetsa hore ba na le Moea o Halalelang. Bareri ba batla ho haha kereke e kholohali le ho etsa lintho tsena tsohile, le ho hloma batikone ba nyetseng hangata. 'Me—'me ba ka etsa linthoana tsena 'me ba apara liaparo *tsena*, ba e bitsa tokoloho ea basali.

¹⁴¹ Le hopola Amose a ne a ka mamella ntho eo? Che. Lekhale o ne a ka sitoa. Le nahana hore Amose o ne a tla ikhutsetsa, 'me a kopane le baholo le bobishopo holimo mono, le ho re, "Banabeso, ke hopola le entse ntho e kholo."

¹⁴² O ne a tla re, "Sekhakhatha ting sa bakoenehi! Baikaketsi ting! Lona ba hanelang Tumelo!" O ne a tla bua seo Mikea a se buileng, mohlang oo ka pel'a baporofeta bao ba makholo a mane ba ikakasang ba Baheberu.

¹⁴³ Ba re, "Bongateng, lipalong, tšireletseho e teng." E itšetlehile moo u batlang ho sebelisa Lengolo leo.

¹⁴⁴ Nka re, "Judase a tloha a iphanyeha; 'me le uena u tlohe ho etsa eona ntho eo." Mono ha e sebetse.

¹⁴⁵ 'Me ha e sebetse, ho re, "Bongateng ba keletso polokeho e teng." Kereke ea Katolike e le phahametse kaofela ha lona.

¹⁴⁶ Polokeho e Lentsoeng la Molimo. Bibele e boletse, "Lebitso la Morena ke qhobosheane e matla. Ba lokileng ba balehela ho eona, 'me ba bolokeha.' "Me ke eona feela nqalo e bolokehileng eo ke e tsebang. Baporofeta ba lumetse hoo kamehla. Mohla Abrahama a neng a eshoa, mohla... Mohla Jobo a shoang, o ipehile lefatšeng la pallo, lebitla la hae.

¹⁴⁷ Mohla Abrahama a neng a shoa, o rekile setša sa mobu hantle tulong eona eo, pel'a Jobo. A etsa'ng? O ne a shebile moporofeta eo. O tsebile hoba e ne e le monna oa Molimo, le ho re, "Ke a tseba Molopolli oa ka o a phela, 'me matsatsing a ho qetela O tla ema holim'a lefatše. Leha liboko tsa letlalo li sentse 'mele ona, empa ke tla bona Molimo nameng ea ka." Yaa. 'Me Abrahama o tsebile seo. O epetse Sara mono. A reka setša sa tšimo, le ho epela... Eena, ka boeena, o epetsoe mono.

¹⁴⁸ Isaaka, mohla shoang, o ne a khutlisoe 'me a epeloa teng. Isaaka a tsoala Jakobo.

¹⁴⁹ 'Me Jakobo o shoetse tlase koana Egepeta. Empa pele a eshoa, a bitsa mora oa hae oa moporofeta, Josefa. 'Me o tsebile hoba e ne e le moporofeta, monna oa moea, ea koahollang litoro, 'me o bone lipono, li nepile ka ho phethahala nako le nako. A re, "Tloo koano, Josefa, mora oa ka oa moporofeta. Beha letsoho la hau holim'a noka ena eo Molimo ea mattaohle o e amileng lilemong tse fetileng, le ho fetola lebitso la ka ho tloha 'moqhekanyetsi' ho 'khosana le Molimo.' Beha matsoho a hau holimo mona 'me u hlapanye ka Molimo oo hore u ke ke oa mpata tlase mona Egepeta." Hobaneng? Hobaneng? Ebe e entse phapang efe?

¹⁵⁰ Ba rialo kajeno, "E etsa phapang efe?" Re fumana sehlophasa batho, re ba ngolisa kerekeng, 'me ba sa tsoa tsoa literateng. Ka nako tse ling le ba fetola ngoana oa lihele habeli ho feta mehleng ea hae seterateng. Ke hantle. Ehlile e etsa phapang.

¹⁵¹ Josefa, mohla a neng a e-shoa, o boletse, a re, "Ka tsatsi leng Morena Molimo o tla le etela." E ne e le moporofeta. A re, "Morena Molimo o tla le etela. 'Me le se ke la tlohela masapo a ka tlase mona, le mpe le a nyollele lefatšeng la pallo." Hobaneng? O tsebile hore Thakangoaha ea tsoho e tla tsoa lefatšeng la pallo. Ke hantle feela.

¹⁵² Jesu, mohla A neng a eshoa, 'me a tsoha hoseng ha Paseka, Bibele e boletse, ho re, "Bahalaleli ba bangata ba robetseng leroleng ba ile ba tsoha, 'me ba tsoa mabitleng 'me ba iponahatsa bangata." E ne e le mang? Abrahama, Isaaka, Jakobo, Josefa. Hobaneng? Ba ne ba le sebakeng se nepahetseng.

¹⁵³ Ke ka lebaka leo ke reng e etsa phapang. U se mpate kantle mona Methodise, Baptise, kapa kerekeng efe. Mpate ka ho Jesu, "Hoba ba leng ho Kreste Molimo o tla ba hlahisa le Eena mohla A tlang." 'Me ehlile e etsa phapang. Ruri, ho joalo.

Le se lumelle motho ho le bolella, “Kahobane u kena kereke.”

¹⁵⁴ Amose a ke ke a e emela ka khutso. O ne a tla re, “Oona Molimo oo le itlalehang le o sebeletsa . . .”

¹⁵⁵ Ke tla bua sena ka Lebitso la Morena: Oona Molimo oo sechaba sena se loketseng ho o emela o tla timetsa sechaba sena. O tla timetsa likereke tsena. Molimo oa Lehlimo o tla tšollela khalefo ea Oona ka kahlolo le ho timetsa likereke tsena, tseo ho thoeng ke likereke. Hopolang, u nke lentsoe la ka.

¹⁵⁶ Ha ho motho ea ka ngolisang Kerekeng. U ingolisa le loje. Ha u ingolise le Kereke. U tsoalloa Kerekeng. Le a bona? U ingolisa le loje ea Methodise, loje ea Baptise, loje ea Katolike, loje ea Pentekosta. Empa u tsoaletsoe Kerekeng ea Molimo o phelang; ‘me ke sona seo O se tlelang, Kereke eo. Ka hona, re fumana matlo a bolulo, e seng Likereke. Ntho efe e ka phutheha ka har’ a loje eo, baikaketsi le sohle sesele. Empa ke tla le tsebisa sena hona joale, ho ea ka Lentsoe, ha ho moikaketsi le a mong ka Kerekeng ea Molimo o phelang. Ha ho letho Mono haese bahalaleli.

¹⁵⁷ Joale, lengolo la botho le ka u kenya kahare. ‘Me u nahana—u nahana hore Amose a ka be a sa qhomisa ntho eo? A ka be a reketlisitse ntho eo ho fihlela motheong oa eona. Ruri o ne a tla etsa joalo.

¹⁵⁸ Shebang. Mohla Iseraele leetong la eona, e habile lefatšeng la pallo, e etelloa pele ke Moea o Halalelang, Topallo ea Mollo e ne e ba etile pele, Lefika le otiloeng le ba latetse.

¹⁵⁹ ‘Me teng ha tsoa Moabe, eena e le moena. Hopolang, e ne e le karolo ea Iseraele, le eena. E ne e le karolo, ho tsoa lesikeng leo la Bajude, hoba e ne e le ngoana oa Lota ka morali oa hae. E ntšitse Moabe.

¹⁶⁰ ‘Me shebang Balaame, moprista, a tsoela mono a haha aletare, a hlahissa mahlabelo a mofuta o tšoanang, ho latela motheo ka mokhoa oa hae. Le a bona? ‘Me a imatahantse le khalala. A e-na le khosi. A teetsoe hare ke banna bohole ba baholo, mahosana le maqhalaha, ba eme le eena.

¹⁶¹ Empa e Mong ea emeng le Moshe ha a ‘mona. Ke Ea neng a eme le Amose. Ke eena Ea tla ema le motho e mong le e mong ea leng teng mona, bosiung bona, ea tlang ho emela Molimo le ho loka. Ho sa tsotelehe batlotlehi ba bakae, mahosana a leng teng mono, ha e amane le eona ka letho. Ha ho mohla ba tla khona ho rohaka seo Molimo o se hlohonolofalitseng. Hobaneng? Ke Peo e phelang. Ke Lentsoe la Molimo. E tla holela phethehong ea Eona. Oh, lipontšo tsa Molimo o phelang liahelong! Ke hore, Iseraele o bonahetse a entse phoso tlase mono. Empa ba sitiloe ho bona Lefika leo le otlieloeng, le Pheko eo e etsetsoa Iseraele. ‘Me ho e-na le mohoo oa Khosi liahelong. Molimo o ne a ena le bona. Hobaneng? O ne a folisa bakuli, a etsa mehlolo e meholo, le lipontšo le meeka, ‘me Topallo ea Mollo e lopaletse holim’ a bona.

Moshe o ne a setse Topallo ea Mollo morao. Bana ba Israele ba setse Moshe morao. 'Me ba le leetong la bona ho ea lefatšeng la pallo, 'me ha ho letho le tla ba thibela. Amen.

¹⁶² Oh, na e ke ke ea iphetha habonolo kajeno, hola Molimo o ka kenya motho letsohong la Oona, taolong ea Oona? Topallo eo ea Mollo e sa ntse e phela. E sa le Eena maobane, kajeno, le kamehla. Lentsoe le ntse le phela.

¹⁶³ Molimo, re romelle Amose eo ea . . . ea tlang ho emela 'Nete le ho loka, ho reketlisa lintho tsena.

¹⁶⁴ U re, "Na re ka . . . Le nahana hore o ne a tla fumana liphetho life?"

¹⁶⁵ Be, o ne a tla fumana liphetho, a be a bitse bohole bao Molimo o ba khethileng esale pele ho bitsoa. Ke bona bao a neng a tla ba fumana. "Bohole bao Ntate a 'Neileng bona ba tla tla." E.

¹⁶⁶ Mikea o ne a le ka pel'a Akabe, 'me Akabe a mo hlhoa. Sehlopha sohle sa baruti se eme khahlano le eena. 'Me bohole ba ne ba bululetsoe, hape, empa pululelo ea bona e sa kheme le Lentsoe. Kea khlooa, mohlomong, Amose o otile eona ntho eo.

¹⁶⁷ Eitse ha baprista ba tsoela seterateng, ba re, "Joale, bea butle motsotsso. Moo—moo . . . Mpontše litšoanelo tsa hau. U tsoa sekolong sefe? U tsoile lelokong lefe? Na u . . . Ke mang ea u u hlomamisitseng moprista?"

O ne a tla re, "Molimo o nkentse e mong."

"U tsoa sekolong sefe?"

¹⁶⁸ "Jehova Molimo. Ke tšoere HO RIALO MORENA." Ba tla mo mamela? Ruri lekhale. Ba ne ba sa batle ho utloa thaka leo. Ruri lekhale. Ba ne ba sa batle . . .

¹⁶⁹ 'Me, koana, banna bao ba ka be ba itse, "Ke bululetsoe. Be, ke setho sa kereke e kholo ea Bafarisi mona. Sheba kamoo Molimo a re hlohonolofalitseng. Re kenya lialetare tsa gauta. Re hloma litempele. Re entse lintho tsena tsohle. 'Me, oh, monehelo oa rona oa boromuo a feta oa likereke tse ling hohle Judea. Be, re etsa lintho tsena tsohle *mona*. Batho ba rona ke balefi ba baholo ba karolo ea leshome, le tseo tsohle." Empa koana Mikea kapa . . .

¹⁷⁰ Amose a ema mono 'me a re, "Molimo oo le ipolelang le o sebeletsa o tla le timetsa." 'Me ha etsahala joalo.

¹⁷¹ Joale, ha ke nyatse mananeo a boromuo. Ha ke nyatse likereke tse kholo. Empa, bothata ba eona, batho ba tsepamisa mahlo a bona nthong eo, le holim'a . . . thoko ho Lentsoe. 'Me, qetellong, e u faposetsa hantle nthong eo, 'me u iphihlela u thella. Khutlela Lentsoeng hantle. U se ke oa sutha ho Lona. Oh, kamoo re hlokang mohoo, o tsoang lefelleng kajeno. Ehlide ke 'nete joale. Ruri.

¹⁷² Mabaka a mang, batho ba beha mabaka. Ba batla ho beha mabaka. Ke ntho ea pele e tšoereng . . . Ke eona ntho e khaotseng

setsoalle sa moloko oa batho, ke mohla Satane a hlahisang lenaneo la ho beha mabaka khahlano le Lentsoe ho ba joalo. 'Me e utloahala e etsa kelello.

¹⁷³ Ha re nkeng Satane feela, seo a ka beng a se boleletse Eva, mohla Molimo o neng o ba ahelelitse ka Lentsoe la Oona.

¹⁷⁴ Ke phetho seo Molimo o kileng oa se neha batho ba Oona ho ba matlafatsa khahlano le sera, e ne e le Lentsoe. Ha Oa re fa tumeloana. Ha O a re fa letho haese Lentsoe la Oona. Ke phetho. 'Me Molimo ke mohlopheletso, o matlaohle, ha o fetoha. O ke ke oa fetoha. Lenaneo la Oona la pele le phethahetse. Ha ho mohla A tlamehang ho le fetola.

¹⁷⁵ Qeto ea Oona ea pele, mohla motho a neng a entse sebe 'me a parola khohlohalo eo e mahareng a hae le Molimo, a sa itsiele mokhoa oa ho khutla, Molimo, o o tletseng mohau le o mosa, o amohetse phapanyetso. Ke Molimo o tletseng mohau le lereko feela o ka etsang ntho e joalo. O amohetse phapanyetso, 'me phapanyetso eo e ne e le mali. Ke eona feela nqalo eo motho a neng a ka boela a kenela kopano le Molimo hape, ke tlasa mali a tsolotsoeng. 'Me ha ho mohla motho a neng a ka a kopanelo ho Molimo, ke ka mali feela. 'Me ke 'nete haholo, moo a kopanelang le Molimo teng.

¹⁷⁶ Joale, Eva o ile a lahlela marapo. Eva o qala a beha mabaka. Satane o buile tjena, "Joale, u a... Ha u tsebe. Ha u e-so kene sekolo sa letho. 'Na moprofesa oa seminari kantle mona." Ea hae. "'Me, kea u borella, re ithutile lintho tse ling kantle mono. Re ithutile hore Molimo o lokile haholo! Re ithutile seminareng ea rona hore Molimo o lokile haholo! Ha O a le lebella ho phethisa sohle seo O se ngotseng mono. Ha O a lebella hoo."

"Yaa, empa," a re, "Morena Molimo o boletse."

¹⁷⁷ Joale, e ka be ebile moreri ea khabane, holane a tiisetsa holim'a Hoo. Lebaka leo a ahlotseng ho ba e mong kajeno. Le a bona? Le mo behe hole le eona. Amose o ne a tla reng ka taba eo? Ekare nka mo utloa metsotso e ka ba mehlano, ka hatisa molaetsa oa hae. Ke ne ke tla o hatisa hantle teiping, lefatše lohle le o utloe. Uh-huh. Joale ke ne ke tla ikhutsetsa ka eona, ho tloha mohlang oo. Hlokamelang. E, monghali, o ne a tla e nyatsa.

¹⁷⁸ 'Me hlokamelang seo a se buileng. Joale, Satane o itse... Joale, ha a khona ho etsa hoo ka Eva, le a tseba...

¹⁷⁹ Ha a khona ho etsa seo ka Adama, empa o se entse ka Eva. Kahoo o itse ho Eva, joale, "Joale u tseba sena." A re, "U a tseba, ruri Molimo o molemo haholo ho le hlahisetsa kotsi. Molimo... Ruri le ke ke la shoa. U a tseba hore ke Molimo o lokileng."

¹⁸⁰ Re utloa haholo ka taba eo kajeno. Ke Molimo o lokileng. Empa, hore e tle e be o lokile, O tlameha ho ba le toka, hape. Ke sona se Mo etsang molemo. Ha A tenyetsehe. Ke Modimo.

¹⁸¹ 'Me joale, "Molimo o lokile haholo ho le etsa joalo." 'Me a qala, a re, "Khele, le tla ba bohlale. Le tla ruteha. Le tla ba bohlale le be masene. Le tla—le tla tseba lintho tseo le sa li tsebeng joale." Le a bona?

¹⁸² O ne a tlameha ho tseba ho le hong feela, e ne e le Lentsoe. Ha re a tlameha ho apara Bachelor of Art, le Ph.D., le LL.D., le lintho tsena tse ling tsohle. Tseba feela Lentsoe la Molimo. Ngoana ea nyatsehang ka ho fetisisa, ea ka balang, a ka e tseba, tseba.

¹⁸³ Empa, ho beha lebaka, 'me ba ile ba fumana eng? Ba ile ba fumana eng? Ba robehile hona mono. 'Me Satane o tsebile a fekisitse morabe oa batho hona mono. 'Me ke hona moo a ba fekisitseng ho tloha mohlang oo le ka mehla.

¹⁸⁴ Amose o tlie ka lebaka leo. Ka lebaka leo, botumo le maikutlo a tsebahalang, le mopresidente ea khabane, e moholo kapa khosi, 'me o ne a tlisitse katileho. Batho ba ka reka bophelo ba bona ka moapeho oa linaoa, joaloka Esau. Ha ke leke ho thonkha, empa ke leka ho etsa 'nete.

¹⁸⁵ Lona Mademokrate hase khale ha le ne le reka ka litokelo tsa lona tsa boholo. Ke hantle. 'Me 'na ha ke moRephaboliki. Ke Mokreste. Empa, moena, ke lihlong tse kakang! 'Me ba ne ba tlameha ho nka machini a bolotsana ho voutela kahare joalo. Empa ke seo Amerika e neng e se batla. Ba se fumane. Hangata O le fa seo le se batlang.

¹⁸⁶ Molimo, mphe Lentsoe la Hau. Ke seo ke se batlang. "Ke mpe ke pate Lentsoe la Hau pelong ea ka, Morena, hore ke tle ke se ke ka U siteloa."

¹⁸⁷ Oh, ba bang ba beha mabaka. Empa, le a bona, Amose ha a khona ho beha mabaka, hoba e ne e le moporofeta. Lentsoe le a mo fihlela. Che.

¹⁸⁸ 'Me Lentsoe le joalo kajeno, u tlameha ho Le hhalosa, ho lumella Moea o Halalelang ho Le hhalosa ka ho Le netefatsa bophelong ba hau.

¹⁸⁹ Ke sona se boletsoeng, eng, le a tseba, Jeremia o itse ho—ho moprofeta Hanania. A re, "Ekare ha moporofeta eo a bua, 'me seo a se bolelang se bonahatsoa, ke moo baporofeta ba tsebileng hoba o ne a nepile."

¹⁹⁰ Hola Amose a ne a le teng mona, le nahana hore o ne a tla etsa'ng? O ne a tla—o ne a tla lula le Lentsoe. Ke seo a neng a tla se etsa. Le a tseba ke'ng? O ne a tla re bolella hore re rutilo hole le motheo oa Lentsoe la Molimo la mantlha. O ne a tla re bolella hore re hole haholo le Kereke ea pele ea pentekosta. Ke seo a neng a tla se bolella Mapentekosta. Ho re, "Joale, ba hutse lilemo li ka ba mashome a mahlano ho kena gereng, 'me ha le e-so fihle mono le joale." Oh, o ne a ka reng boikakasong ba motho ba mokha oa bolumeli? Be, oh, haeba a ne a sa tl'o e neheletsa, haeba a ne a sa tl'o heletsa likereke, ka lebaka la boitšoaro ba tsona

bo hlephileng, ka ho amohela litumeloana, ho ingolisa kerekeng sebakeng sa ho tsoalloa ka ho eona!

¹⁹¹ Be, haeba u tsoaletsoe ka ho eona, moena, khaitseli, u itšoara ka ho fapaneng. U—u lula le Lentsoe. Ha Moea o Halalelang o le ka ho uena, O iphepa ka Lentsoe feela. Jesu o itse, “Motho a ke ke a phela ka bohobe feela, empa ka Lentsoe le leng le le leng,” e seng karolo ea Lentsoe, “empa Lentsoe le leng le le leng le tsoang molomong oa Molimo.”

¹⁹² Eena, ka ho ba moporofeta, o ne a tla bona ntho ena ka ho rona. Ea . . . Amose e ne e le moprofeta.

¹⁹³ Joale ke ttilo koala, motsotsong, empa ke batla ho khokhothela litlhahiso tsena ka thata ha nka khona. Ke tla e bua, 'me Moea o Halalelang o tlamehile ho e khomaretsa. Ke batla ho le botsa taba.

¹⁹⁴ Hola Amose a ka fihla mona bosiung bona 'me a ema kalaneng ena, hola a ka nyoloha a theosa le literata tsa Phoenix, o ne a tla bona ka ho rona kajeno, litabeng tsa rona tsa na ha, lefatšeng la rona la kereke, o ne a tla bona seo a se boneng Samaria: ho inehela mekhua e hlophileng ka botlalo, hole le Lentsoe la Molimo. O ne a tla bona sehlopha se inehetseng bolumeli haholo. Ba ne ba le joalo, e mong le e mong oa bona, Baiseraele. Empa o ne a tla bona e—e boitšoaro bo hlephileng, boitšoaro bo bobe. O ne a tla bona—o ne a tla bona bobolu ba sechaba le boitšoaro bo bobe har'a batho. O ne a tla bona boitšoaro bo bolileng, sechabeng. O ne a tla bona bobolu bo hlephileng hole le Lentsoe. O ne a tla bona bofebe ka hara kereke. Ha ke bolele. . . Yaa, ka bobeli; nameng, 'me o ne a tla bona bofebe ba moea. Kamoo ba neng ba tla be ba amohela litumeloana tsa motho kantle mona, e le litumeloana tsa motho, le ho li amohela sebakeng sa Lentsoe, hoo ke ho etsa bohlola ba moea khahlano le Molimo. Tšenolo 17 e rialo, hore bona, seotsoa sena, se entse sebe, hobane, “Ka manyala a hae o nositse lefatše veine ea bohale ba hae.” E. Re e bona e ne e tla be e fapane ka ho felletseng. O ne a tla e bona, bobolu ba boitšoaro bo bobe.

¹⁹⁵ Leha ho le joalo, Amose ha aa beha 'muso molato. Mamelang. Amose ha a qosa 'muso, Lengolong lohle la hae. Empa o qositse batho ka ho khetha 'muso o joalo. Oh, nka . . .

¹⁹⁶ Na le khathetse? [Phutheho e re, “Che.”—Mohl.] Be, beang butle motsotso feela. Le a bona?

¹⁹⁷ Le se ke la beha 'muso oa lona molato. 'Muso o ke ke oa haha ntlu holim'a lejoe athe batho ba voutela lehlabathe. Ke batho ba e batlang.

¹⁹⁸ 'Me hangata ke bua lintho sefaleng, athe ke tseba baena beso ba lutse kantle mono, bareri, banna ba lokileng. Ke qoqa le bona, ke ba kenya chebeleng. 'Me ke mosebetsi oa ka, ka ho tseba lintho tsena, ho bolella baena beso. 'Me ke bua le bona. Ba re, “Moena Branham, re a tseba u nepile, empa kereke ea ka e ka ngala.” Le a

bona? Le a bona? Ke seo le se batlang. [Sekheo lebanteng—Mohl.] Le a bona? U ke ke oa khona. Ke batho.

¹⁹⁹ Joale, haeba le nahana hore nka qala moaho tlase mona seterateng 'me ka rekisa, mafumahali kajeno, lieta tseo tsa feshene ea khale, thopo e phahameng, lieta tsa lerapo? Mohlomong li tšoere letlalo le lengata ho feta—ho feta levenkele lohle le tletseng kajeno, para e le 'ngoe. Empa ha nka rekisa para ea tsona ka lisente tse mashome a mahlano, nka bolaoa ke tlala. Hobaneng? Ha le li batle.

²⁰⁰ Hola nka rekisetsa basali mese eo ea mehleng ea khale, ea 'Me Hubbard kajeno, le nahana hore ba ka e reka? Ruri lekhale. Ba batla ntho eo ba ka itšelang ka har'a eona, e kang letlalo le holim'a soseje. Ba—ba mpa ba batla ho itlenyana ka thata. Ho theosa seterata, ligarata tse fapaneng tse 'ne kapa tse hlano, ba honyetse kahare, 'me ba tomolohile kantle, le ho sekamela morao ka para ea lirethe, hlooho ea bona e hloelisitse kantle. Hoo, ha ke etse motlae. Sena ha se sebaka sa mosoaso. Empa eo ke 'nete. Thuto ea ka ha e ntle ho hang. Nka khona joalo feela ho etsa hore lentsoe la ka, le a tseba, le tseba seo ke buang ka sona. Le a bona? Joale, ke 'nete. Ba ne ba ke ba ba reka mese.

²⁰¹ Bosiu bo bong sefaleng, mosali e monyenyané oa Moindia o ile a nyolohela mono. Ke ne ke batla ho tsukutla letsohoana la hae. Hodimo kerekeng ea Moena Groomer, kapa kae. O ne a apere mose o kang o neng o aparoa ke 'mè. Ka nahana, "Be, ho hlohonolofatsoe pelo ea hau, mofumahadi." 'Me Morena a mo folisa hona moo, le pele a fihla ho 'na. Eena... Le a bona? Ka nahana, "Ke—ke—ke mpe ke khutse." Le a bona? "Emang feela ho fihlela ketsahalo e fihla, ka nako e 'ngoe." Le a bona? 'Me e ne e le eo.

²⁰² Che, u ne u ke ke oa rekisa mese eo. U ka e rekisetsa Moindia, 'me e seng bongata ba bona. Ba ntse ba hlepha joaloka ba bang bohle. Le na le mananeo a mangata haholo a thelebishene. 'Me bana ba lona ba tsoa, 'me mesuoe e meng ena ea seojaole, e mesoeu, ea sekolo e a kena, le bosaoana bona bohle. Le ka be le le betere haholo, hola la its'oanelia le Sitting Bull le bao morao koana, khale.

²⁰³ Koana Afrika, mohla re ne re fumana morabe oa bammala mono, ba ne ba etsa'ng? Ho ea koo, baromuo a bao, ke ho bala, ho ngola, le lipalo. Ha a... Khele, bona, ba tseba boitšoaro haholo, melokong ea bona, ho feta kamoo le ka khonang, ho feta kamoo Bokreste bo ka ba tlisetsang. Ke hantle. Ekare ha e mong oa basali bao kantle mono, haeba e le oa leloko la maZulu, haeba a emela lilemo tse itseng ho nyaloa, 'me a e-so khone, motho a e-so mo nke ho ba mosali, o tlameha ho tsoela kantle mono. Ha e sa le setho sa morabe. Che, monghali. 'Me haeba a nyetsoe, o hlahlojoa lipontšo tsa boroetsana ba hae. 'Me haeba a fumanoa

molato, o tlameha ho bolela monna mong'a ketso, 'me ba bolaoa bobeli, 'moho.

²⁰⁴ Ho ka hla ha bolaoa haholo mona hola re ka hlophisa maemo ao. Ha le nahane joalo? Ke hantle. Ba ke ke ba thola dimoshara tse lekaneng ho epela banna le basali. Ruri. "Empa le shoele, leha ho le joalo, 'me ha le tsebe." Kahoo ke bona bothata ba eona. Le a bona? Empa joale, hakana, ho lokile.

²⁰⁵ Ebe le etsang? Ba ba isa mono ba ba ruta sekolo. U ntoo ba fumana seterateng. Ba ipelesitse libe tsa bona tsa morabe, tseo ba bileng le tsona; le ho kena, le ho nka libe tsa makhooa; 'me ke bana ba lihele makhetlo a leshome ho feta mehleng ea bona qalong. Ntho feela eo ba e hlokang ke Kreste, ho lula moo ba leng teng. Ho lokile.

²⁰⁶ Ho joalo le ka Moindia oa rona oa Amerika. Motho ofe eo ke mo utloelang bohloko, sechabeng sena, ke Moindia eo. Ehlide ba sebelitsoe hampe! Ha ke . . . 'Na ke motho a le mong, empa kea ba emela. E, monghali. Ha Morena a ka mpitsa a ntlosa masimong, ho sebetsa tjena, 'me molaetsa oa ka o felile; A ntumella ho phela halelele hape, ke ea ho Maindia. E, monghali. E, monghali. Khili!

²⁰⁷ Re bona seo Amose a neng a tla se etsa holane a ka hlaba mokhosi. Tsamaiso eohle ea rona e ne e tla nyatsuoa. Ruri ha ho joalo . . .

²⁰⁸ 'Muso o ke ke oa haha (tlhahiso ea ka) holim'a lefika, athe sechaba se voutela lehlabathe.

²⁰⁹ Le tla haha kereke ea lona joang holim'a Lefika? Moreri a ka ema joang sefaleng 'me a rere Lefika, le ho e haha holim'a metheo ea Evangelie tletseng, athe bamameli ba hae, ba bang ba batho ba hae kantle mono, ba ka mo ntša? Joale, ke qosa moreri ka ho hloka sebete, le Moea oa Molimo, ka ho koala lemati feela, le ho re, "Fumanang motho ea tla emela lintho tseo eseng 'na." Ke—ke tsota moreri ea ka etsang joalo.

²¹⁰ Empa ho malimabe phutheho eo ha monna ea tlotsitsoeng oa Molimo a leka ho ba tlisetsa Lentsoe, 'me ha ba kheme le Lona. Ke hantle. O tla theha joang kereke eo lineo tsohle tse robong li sebetsang ka ho eona, le joalo-joalo, ebe moo, bao le bona, 'me esita le eona kereke ha e batle esita—esita le ho phela ka bokhabane le boitšoaro, ba sa batle ho ithuta di-ABC tsa bona tsa Evangelie? Ebe ho thoe, "Hola ke ne ke fumane moreri ea betere!" Khele, ke molato oa lona. Ke hantle.

²¹¹ Ke molato oa na ha ea rona, ma-Amerika a rona, athe re tlile koano bakeng sa tokoloho ea borapeli. Ho tsoa ho eng? 'Me re khutlela morao hantle, le ho hlomamisa kahar'a motsemoholo oa rona eona ntho eo re tlileng ho lokoloha ho eona.

²¹² Sechaba sena se tšoana le Iseraele haholo. Bona, Iseraele, ba kena Palestina, ba leleka baahi 'me ba hapa na ha. Tabeng ea pele, ba fumane banna ba molemo—ba molemo, holim'a bona.

Ba fumane Davida, le Solomone, le banna ba baholo. Qetellong, haisa-isa, ba 'na ba voutela kahare, le ho sutela ka hare, le ho khethela kahare, ba ba ba fumana Akabe tlase mono, ea nyetseng mohetene. Joale, Akabe e ne e le thaka le lokileng. Hae . . . Oh, o—o ne a batlile ho etsa hantle, empa a sa khone ho etsa hantle, ka baka la mosali eo oa hae.

²¹³ Joale, ha ke letho khahlano le monna eo ke buileng ka eena metsotsong e 'maloa e fetileng. Ekaba monna ea lokileng. Empa ke tsamaiso eo ea seotsoa e mo setseng morao, e mo sothang molala. Ke eona ntho e tlang ho e phethisa. Ho kena habonolo feela kamoo a ka khonang, ka mokhoa oo, le ho hafaletsa ntho eohle fatše.

²¹⁴ Na le tsebile hobane rona—rona hona joale . . . Mokoloto oa naha ea rona o phahame haholo, ebile re patala ka chelete ea kalimo, ka makhetho ao re tlang ho a phutha lilemong tse leshome-nne ho tloha kajeno. Ho tla etsahala'ng mohla tsamaiso ena e pshatlehang?

²¹⁵ Castro, ehlile, ke khahlano le eena. Ke lekomonisi. Hantle. Ke khahlano le eena. Empa o entse ntho e ntle mohla a neng a fetola tšobotsi ea chelete le ho khutlisa gauta, a reka dibondo le ho khutlisa gauta hape.

²¹⁶ Re tla tlameha ho etsa joalo, ho seng joalo ntho e le 'ngoe e khomaretse sefahleho sa rona, ke hore, kereke ea Katolike e ruile leruo la lefatše. E ruile chelete. E ruile gauta, ho reka libondo tsa rona hape. Ke hantle feela. 'Me le nahana hore bahoebi bana ba wiski, le bahoebi ba koae, le batho ba baholo ba naha ba ke ke ba ithekisa, ho qoba ho lahleheloa ke likhoebo tsohle tsa bona le ho hatisa chelete ea moshaqane? Ba tla khutlala morao hantle 'me ba nke chelete eo kerekeng ea Katolike, 'me se tla be se rekitsoe. Hantle. Na Bibele ha e lepe taba eo, "Leruo la lefatše"? Ha ke ralipolotiki, le joalo ha ke monna ea bohlale, empa ke leboha Morena haele moo ke Mo tseba. 'Me ke hantle. Ke hona moo se tla robala teng, hantle mono. Le e shebe. Le lebelle 'me le bone haeba seo e se 'nete. Feel . . . Ke tšepa bohole re tla phelela ho e bona, 'me ha ke nahane re tla tlameha ho phela nako e telele haholo.

²¹⁷ Empa ebe le tla etsa joang? Re tla haha kereke joang? Re tla haha sechaba joang? Re tla haha sechaba joang holim'a sena joale? Re tla etsa'ng ka eona?

²¹⁸ Mohlomong nka mpa ka itholela, ke ee sebakeng se seng. Empa, le a tseba, ke buile ho lekaneng hofihlela le tseba seo ke buang ka sona. Le a bona? Le tseba seo ke se bolelang.

²¹⁹ Shebang seo re se batlang. Lona, na le bona seo le se batlang? Ke sona seo le se fumanang. Tseo ke litakatso tsa lona.

²²⁰ Shebang mananeo a rona a thelebishene kajeno, a sa sefshoang. E ne e le tloaelo, e ne e le phoso ho bana ba rona, re ne re sa ba lumelle ho theoha le ho kena e—e motseng le ho bona dibaesekopo, e—e setšoantšo sa lipontšo. Empa joale diabolosi o

hlanamisitse seo a se phikolosa le—le ho e etsa thelebishene, le ho e hloma kahar'a ntlu e 'ngoe le e 'ngoe.

²²¹ 'Me hoo ho ka itokela, thelebishene e itoketse, ha u ena le ntho e nepahetseng ho eona. Ruri, ho joalo.

²²² Empa u etsa'ng? E eketsa ho bola ka hora, ho sebelisa lebitso la Molimo, mahlapa, ho rohakana, basali ba hlobotseng, liketso tsa bohlola, e chefo likelellong tsa bana bana, ho fihlela re holisitse sehlopha sa mahipi, ke hantle, linokoane. Ke 'nete hantle. Le ka mpa la e sheba.

²²³ Sechaba sohle sa rona se fetoha sehlopha sa linokoane. Moshanyana ofe ea tsamaeang a leketlisitse dibemuda lethekeng la hae, 'me hlooho e qethohile, le moriri oa hae o leketlile molaleng oa hae joaloka mokuto oa Mof. Kennedy oa moriri o metsi, le ho potoloha joalo, joaloka tsotsi, ntho eo le ntoo e bitsa Moamerika? Le oele mohaung. Bakang 'me le khutlele ho Molimo, ho seng joalo le tla timela. Ke ka lebaka leo, re—re batla ho kenya motho ka mona ea tla re lumella ho etsa ka borata ba rona. Ke hantle.

²²⁴ Ho joalo le ka likereke. Ba batla ho khetha molisa, e se molisa ea tla ema mono le ho ba khethula ka Evangel. Empa ba batla motho ea tla ba lumella ho itosolla ka sutu ea ho tola, le ho bapala bunk'ho mokatong o ka tlase, le ho iphelela borata, mananeo a thelebishene a seea-le-moea se sa sefshoang, lonya le litšila, ho tsoaka kereke le lefatše hammoho.

²²⁵ Ha ho makatse Amose o ne a tla kharuma khahlano le lintho tseo. U nahana hore batho ba ne ba tla mo amohela athe ba voutela ntho eo hantle ka hare?

²²⁶ Ha molisa a rera metsotso e fetang mashome a mabeli, lekhotla la literaseti le 'mitsetsa ka phaposing le re, "Sheba mona, molisa. Ha re—re a u tlisa mona ho etsa ntho e joalo. Re theile lenaneo la metsotso e mashome a mabeli. Haeba e felile, e lokolle e tsamaee."

²²⁷ Seo a hlokang ho se etsa ke ho rahela mphi eo ea literaseti kantle ho monyako, le ho nka Bibele le ho rera bosiu bohle, joalokaha Pauluse a entse, le ho bona tsoho ea bafu. Hantle feela. Ba mo ntšetsa kantle ho mohaho; kou ea seterata e lokile. "Molimo o khona le ka majoe ana . . ."

²²⁸ Thelebishene, mananeo a litšoantšo a sa sefshoang, lithole, litšila, le ho beha mohlala. Shebang bana ba rona ba banyenyane kajeno. Shebang banana ba rona. Bonang bana ba banyenyane ba tsoang sekolong, a se kaholim'a lilemo tse tšeletseng, tse supileng, tse robeli, o se a hotetsa lisakrete. Hobaneng ho le joalo? Mohlomong e entsoe ke 'm'a bona ea tlileng pele ho bona. Haeba ba ne ba sa e etse, joale ke bana bao ba tloaelaneng le bona. Sheba na bana ba hau ba bapala le mang. Hantle. Mona ka le leng . . .

²²⁹ Nakoana e fetileng, mohatsa ka o a e tseba, re ne re lutse tafoleng. 'Me Joseph oa ka e monyenyanane a ntša lentsoe le ke hlabisang lehlena la mosesisi lihlong. Ke ile ka retoleha. Ka re, "Ke'ng hoo?" 'Mè a batla a akheha. Thakanyana le shebahala le se na molato.

²³⁰ A re, "Molato ke'ng, papa?" Ka meokho e meholo mahlong a hae.

²³¹ Ka re, "Le ka mohla u se ke ua bua ntho e joalo." U ne a sa tsebe hore e ne e le eng. Ka fumana, hore bana ba sekolo ba sebelisa lentsoe leo le litšila. Ka re, "Moratuoa, ntho eo ke ea liabolosi."

²³² Le a bona, ke moo, bana ba lona. E fihlile sebakeng, moena, hofihlela e le ntja-e-ja-ntja, hleke-hleke e kaalo ea sebe. Oh, khili! Mananeo a thelevishene, barati ba sebe, barati ba menate! Oh, khili!

²³³ "Metsotso e mashome a mabeli e lekane. Ke tlameha ho shebella lenaneo la morao-rao." Le a bona? "Potlaka u ntše ntho ena mona. Ke tlameha ho e etsa." Le a bona? Ba phethile borapeli ba bona. Ba theohetse mono, 'me ho lekane.

²³⁴ Empa, ke a le borella, monna kapa mosali oa sebele ea tsoetsoeng ke Moea oa Molimo o tla lula hora ka morao ho hora, ho noa Lentsoe la Molimo. Eseng hoo feela, empa haeba le otla ka mono, le a ankora 'me le fetola bophelo. Amen. E.

²³⁵ Ke litakatso tsa batho ba rona. Hlophiso eohle ea rona e senyehile e bolile. Ke litlhoko tsa batho ba rona.

²³⁶ Ha u nka monna ea lokileng, ha re re, joaloka monna ea lokileng, o mo hlahlela lelapeng la sehlopha se ratang menate, ba tla phelela motho eo bophelo ba ntja; kapa, mosali ea lokileng, ofe oa bona, ho ba hlahlela lelapeng le ferekangeng. Khele, lelapa lohle le lokela ho inehela ho Molimo. Ke tšoanelo ea rona ho rapela, ho fihlela bana ba rona ba pholosoa, ho hleka ntlu ea rona ka taolo. E.

²³⁷ Re batla re etsisitse Israele, e neng e hlabile selekane le lira tsa bona. Pele, ba ne ba loketse ho sutha Lentsoeng pele ba ka etsa hoo. 'Me hoo ho bontša feela hore Amerika e fapohile Lentsoe hole hakae.

²³⁸ Le a tseba, u—u tlameha ho latola 'nete pele u ka lumela leshano. Ke hantle. Ke hantle feela. Eva o ne a tlamehe ho latola Lentsoe la Molimo pele a ka amohela leshano la Satane. Ba ne ba loketse ho sutha Lentsoeng mohlang oo, ho a tšoana le joale, ho lumella Roma ho hapa e sa thunya le tholoana. Ha ba tsebe Lentsoe la Molimo ka lintho tsena. Ke bona bothata ba eona.

²³⁹ Re hloka ho hlaha ha moporofeta oa 'nete, ho re khutlisetsa Lentsoeng. Ke hantle. Re tšepisitsoe e mong. Re tšepisitsoe seo. E, ka sebele. Malakia 4 e mo boletse a tla etsa joalo. "'Me

o ne a tla khutlisetsa Tumelo ea batho morao ho bontate ba pentekosta hape."

²⁴⁰ Amose o tsebile hobane ka letsatsi le leng linyatsi tse khopo tsa Israele li tla e timetsa. Joale e reng ke bue taba ena ka hlompho. Le molumeli o a tseba kajeno hore lefatše, linyatsi tse khopo tsa Amerika ena, li tla e timetsa. Lerato la lona la lipolotiki! Ke tla e lesa ho ankora motsotsa feela. Hoo ho tla timetsa sechaba. 'Me lerato la lona la lefatše, ho se nyolohe ka Lentsoe le ho leka ho etsa ho lokileng, ho tla timetsa kereke. Ke hantle feela. Kea tšepa e fumanoe. Kereke e ne e Mo hlobohile, e tlohetse Lentsoe la Hae la Bophelo. Lefatše lohle le khoptjoa ke eona, joaloka kutu e khopang. Ba etsa ntho e tšoanang le kajeno. E. Hola Amose a ka fihla mona, o ne a tla hlabo mokhosi khahlano le tsamaiso eohle.

²⁴¹ Joale, ho koaleng, ke batla ho bua taba ena, temaneng ea 8. Mamelang ka hloko. O itse, "Ha tau e puruma, ke mang ea ke keng a tšoha ha tau e puruma?"

²⁴² 'Me ke tsomile litau. Tau ke khosi ea libata. Koana Afrika nkile ka robala mahoatateng ao, bosius bo bong, tlas'a joang bo bonyenyan boo, kapa e ne e le maoka.

²⁴³ Tau e ka tlolela hantle ka pel'a sethunya se thunyang. Ha e tšabe ntho eo, empa ha e ke e atamela leoka. Le utloile tšomo. Empa, ke 'nete, tau e ke ke ea atamela leoka. Ba haha metloloana ea maoka, 'me tau ha e tlolele ntho eo. Ho seng joalo, e ne e ka tla, ho kena hantle feela.

²⁴⁴ 'Na le Billy. Ke sa hopola ke robetse mono bosius bo bong, 'me ka utloa molomohali oa eona o phasoloha hantle, hole hakaalo le hlooho ea ka, le a bona, empa e—e sa khone ho atamela. Sepharahali sa khale, se batla se le se kaalo, e ntse e hataka fatše.

²⁴⁵ 'Me u ka utloa ntho eohle ho tloha ho mafiritšoane, lefiritšoane le tšehang, lefiritšoane le llang, 'me—'me a—a hoeletsa. 'Me—'me u utloa litšoene, le bongoako, le—le lithuhlo, le littlou tseo tse mololihali oa phala le "whee." U ka li utloa bohole ba limaele. Le matjeketjane le bo-maleshoane ba mefuta eohle ba etsang lerata. Empa ha tau e puruma hole, le bo-maleshoane ba khaotsa ho tsetsela. Li a mamela. Hobaneng? Ke khosi ea tsona. Li a mamela.

²⁴⁶ Bibebe e boletse, "Ha Molimo . . . Tau ha e puruma, ke mang ea ke keng a tšoha? 'Me ha Molimo a bua, re ka qoba ho profeta joang?" Re ka e phema joang? Ha Molimo o bua, moporofeta o utloahatsa mohoo oa Lentsoe le builoeng. 'Me haeba E le Lentsoe la Molimo . . .

²⁴⁷ 'Me tau e a puruma; matjeketjane, ntho eohle, e a khutsa, hobane li a tšaba. Khosi ea tsona—ea tsona—ea tsona e—e a bua. Li na le—le kutloisiso e lekaneng, sebete, le tlhompho e lekaneng, ho hlompha khosi ea tsona ha e bua.

²⁴⁸ Ka hona, Molimo o bua ka Lentsoe la Oona, 'me sebopuoa se seng le se seng sa 'mopo oa Hae se mpe se ele hloko. O a bua matsatsing ana a ho qetela. O hlahisa Lentsoe la Hae. 'Me sebopuoa se seng le se seng sa 'Muso oa Hae se ele hloko seo A se bolelang. Ema. Itekole. O a rora joale, o puruma ka Lentsoe la Hae le netefalitsoeng. O ntse a Itsebahatsa. Ha A puruma matsatsing ana a ho qetela, ha re eleng hloko, 'me re tsebe hore ntho e mothating oa ho etsahala, ho tseba hore Molimo ha O etse hoo le ka mohla kantle pele O a puruma. Ha A puruma, ntho e latela ho puruma hoo, e, hoba O a hla ha lekhatheng leo.

²⁴⁹ O itse, "Na e—e... Na tau e puruma ho se lebaka? Na taoana e ka lla, e tsoa lehaheng, pele e tšoara letho?" Le a bona?

²⁵⁰ Molimo o na le lebaka la ho puruma, hobane O a tseba hore kahlolo e haufi. 'Me, Lentsoe la Hae, Lentsoe la Hae ke moporofeta. Ke eena. "*Bona* ke boporofeta ba Jesu Kreste." Ke tšenolo, Molimo o Itšenolela rona ka Lentsoe la Hae le ngoliloeng. 'Me Ke Lentsoe. 'Me, joale, lena ke Lentsoe la Hae. Ha ho letho le ka ekeletsoang ho Lona kapa la tlosoa ho Lona, empa Le loketse ho pheloa le ho otollooa kamoo Le leng kateng. Re ke ke ra iteta sefuba, ho tlosa letho ho Lona kapa ho eketsa letho ho Lona. Molimo e sa ntse e le Molimo. O a puruma.

²⁵¹ O itse, "Joalokaha ho bile mehleng ea Nohe, ho tla ba joalo le ho tleng ha Mora motho. Ba ne ba e-ja, ba enoa, ba nyala, ba nyalisa, maitšoaro a hlephileng."

²⁵² "'Me joalokaha ho bile mehleng ea Lota," O tlide ka Seqo ka 'mele oa nama, le ho Inetefatsa a le mono ho Abrahama. Ho re, "Ho tla ba joalo le ho tleng ha Mora motho." Hlokome lang lintho tsena. Maseli a mantsiboea a phatsima.

²⁵³ Oh, hola re ka fumana Amose temeng kajeno, a ke a purume, o ne a ka phatlola litsamaiso tsa rona le lineeletsano tsa rona, 'me Lentsoe la Molimo le ne le tla kalla ka tlholo.

Ha re rapeleng.

²⁵⁴ Ntate ea Maholimong, bua hape. Rora, Morena, ka Moea o Halalelang. Ke Moporofeta oa hora. Ke Moporofeta oa letsatsi leo, ho leka ho fumana tsela ea Hae lipelong tsa banna le basali, hore A tle a bue 'Nete. Ke thabile haholo haele moo A ntse a fumana ba bang. Ke a rapela, Ntate ea Maholimong, hore A tle a fumane ba bangata ka mona bosius bona, hore A tle a sebelise motho ea itokiselitseng ho apara hlompho. Ha ba utloa ho puruma ha Molimo o matlaohle o tsoa ka Lentsoe la Hae, kahlolo e atametse.

²⁵⁵ Tau ha e puruma, e a tsoa. Sebopuoa se seng—le se seng se tseba hantle hore se mpe se ipate, hobane khosi e a qatsoha.

²⁵⁶ Molimo, nqalo ea rona ea polokeho e 'ngoe feela, ha Khosi ea likhosi e puruma, eona ke Mali a Jesu Kreste. Re na le nqalo ea polokeho. Ke a rapela, Ntate ea Maholimong, hore U tle u bue

le lipelo bosiung bona. Le ho ba tsebisa hore ba phela meriting ea ho Tla ha Kreste, mohla lichaba li pshatlehang, le lintho tse ntseng li etsahala, seo li leng sona. 'Me, leha ho le joalo, mohaung oa Hau o mosa . . .

²⁵⁷ Re entse sebe haholo, ekare U tla tloha U re furalla, oa re tlohela ho ikela. Empa, koana, joaloka ha U bile morao koana Edene, U etsa tsela ea ho phonyoha. U etselitse Nohe tsela ea ho phonyoha. U etselitse Moshe e 'ngoe, le ea Daniele, bana ba Baheberu. Uena, U etsa tsela kamehla. 'Me ba E fumanang, ba tsamaea Leseling la Molimo 'me ba na le Bophelo. Bao ba E hanang, ba ahlotsoe 'me ba lahloa.

²⁵⁸ Ke a rapela, Ntate ea Maholimong, ho se be le mang oa bao ka mona bosiung bona, ea lahluoeng. Ba ke ba utloe mororo oa Molimo hamonate, Moea o Halalelang o bua ka tlase lipelong tsa bona, le ho re, "Ke 'Na enoa. Se tšabe. Ke 'Na." Hoba re e kopa ka Lebitso la Jesu. Amen.

²⁵⁹ Ke tla koetla memo ea aletare metsotso e ka bang leshome. Ke batla ke siiloe ke nako. Empa ke lumela Billy a abile likarete tsa thapelo masiu a 'maloa a fetileng, kapa ntho e 'ngoe, holimo koana ha Moena Groomer. 'Me ke nahana esale a li aba maobane bosiu. Ha kea li bitsa. Ha ke . . . Ke kholoa a li abile hape bosiung bona. Ha ke tsebe haeba a entse kapa che, empa ha re bitseng tse ling tsa likarete tseo. Na Moena Groomer o teng? Groomer? Che, che. Groomer. Na o teng mona? Re qalile kae? Ho qala ho palo . . . Na ha rea qala ho nomoro ea pele, holimo mono?

²⁶⁰ Maobane bosiu, re ne re se na likarete tsa thapelo. Rona . . . Moea o Halalelang o ile oa tsoa hantle feela har'a letšoelie 'me oa bitsa batho. Na le rata seo? [Phutheho e re, "Amen."—Mohl.] Ke etsa joalo, le 'na. 'Me ho rera ka thata tjena, hore mohlomong ke batla ke le lesisitheho ka eona.

²⁶¹ Ke—ke nehela batho setlankana sa thapelo, ke tlameha ho rapella motho eo. Ke phetho. Haeba re sa tšoare temoho efe, ho itoketse. Empa ke tlameha ho rapella motho eo. Mora oa ka o aba karete ea thapelo, ke—ke tlameha ho rapella motho eo. Ke phetho. Kahoo, ke—ke ikutloa joalo. Ke tla e etsa, ha Modimo o ka nthusa. Pele ke tloha naheng mona, ke tla—ke tla etsa joalo.

²⁶² Joale, re ke ke ra nka nako e telele haholo. Ha re boneng, re qalile ho 'ngoe ho isa ho mashopeli-hlano, kea kholoa e ne e le eona, bosiung boo. Yaa, 'ngoe ho isa ho mashome a mashopeli-hlano. Ke . . . Moena Groomer, na u teng mona? Moena Groomer? Ha ke le qopolise hantle. Empa ke nahana e nepahetse. 'Ngoe . . .

²⁶³ Be, ha re qaleng nq'a e 'ngoe bosiung bona. Ha re qaleng, ha re qaleng ho mashosupa-hlano, hape, ho isa ho lekholo. Ke mang ea tšoereng karete ea thapelo ea nomoro ea mashosupa-hlano, phahamisa letsoho la hau. Ha re boneng haeba . . . Be, ke hantle. Ke hantle. Ho lokile, nyolohela koano, mofumahali. Mashosupa-hlano, mashosupa-nne, mashosupa- . . . mashosupa-hlano

feela. Joale mashosupa-tšeleta, mashosupa-supā, mashosuparobelī, mashosupa-robong, mashome a robeli, mashorobelinnngoe, mashorobelī-peli, mashorobelī-tharo, mashorobelī-nne, mashorobelī-hlano, mashorobelī-tšeleta, mashorobelī-supā, mashorobelī-robeli, ho fihla ho lekholo. Ba ke ba tle koano. Billy Paul o hokae? Ntšoareleng. Ho lokile. Tloong, theohelang tlase mono. Bathusi ba bang ba mo thuse ho fihlela ba kena moleng oa thapelo.

²⁶⁴ Joale, lona ba bang, ntalimeng motsotso feela. E. Na le a Mo rata? Ha re bineleng tlase feela, hamonate, motsotso feela, baena ba bang ba bathusi ba sa theohela mono. Oh, kea leboha. Ba li tšoere, tlase mono, ka hona ba... E le hore mela e se lubakane. Ke batla ho rapella batho bana. Ebe, hosane, re ka 'na ra rapella bakuli ka ho tšoana, le joalo le joalo, ho fihlela seboka se qala. 'Me ke... .

²⁶⁵ Ekaba Moena Roberts o tla tšoara mola oa thapelo holimo mono, le eena, holimo mane—mane sebakeng. Ke ne ke nahanne ka bobeli ba rona re tšoere o le mong 'moho, e mong ka lehlakoreng le leng, le e mong ka ho le leng. Empa ke—ha ke tsebe haeba a ka rata hoo kapa che. Ha ke eso qoqe le eena, 'me ke mpe ke bue le eena pele, le a bona. Moena Oral ke moena ea khabane, ke mohlanka oa sebele oa Kreste. 'Me o ne a tla be a ikokobetse ho lekana ho e etsa, empa ke batla ke sa batle ho itahlela mono le monna ea kang eo, le a bona. Kahoo mohlomong molemo ke ha nka e tlohela. Che, ha a ka mpolella, ha a ka nkopa, "Moena Branham, tloo nthuse," nka—nka thabela ho etsa joalo. Empa, joale, ke moena ea ikokobelitseng 'me o mosa haholo. 'Me ha a ka nkopa ho e etsa, 'na, ehlide, nka e etsa. Empa nka rata hore a nkope, pele, le a bona. Molemo ke hore ke se bue letho ka eona. Le se ke la mo bolella eona, joale. E re feela—e re a nkope, ka tla tseba hore ho lokile. Le a bona?

²⁶⁶ Empa joale—joale re tla bona. Ke ba bakae ba nkang... Be, joale, ha re boneng. Likarete tsa thapelo ka moahong li kae? Ha re boneng matsoho a lona. Oh, ho na le tse 'maloa, li ka ba mashome a mahlano ho feta. Mashome a mane, mashome a mahlano ho feta, mohlomong. Oh, yaa, mohlomong mashome a mararo ho feta. Ho lokile. Joale re tla nka—re tla nka... .

²⁶⁷ Re tla li fumana. Joale rea... Tšoara karete ea hau feela, haeba u sa bitsoa. Le a bona, ke metsotso e leshome ka morao ho leshome, 'me ke—ke le batla sekolong sa Sontaha hoseng. 'Me mohlomong hosane, ha re e-na le litšebeletso tse peli, re ka qeta likarete tsohle tseo re neng re e-na le tsiona ka nako eo, e ntoo ba—e ntoo ba ho qala bocha Mantaha hape.

²⁶⁸ Re hokae Mantaha bosiu? Oh, re theohile, helang, mane Tucson. Le se lebale ho theohela Tucson joale, sebokeng tlase mono. O teng ea mona ea tsoang Tucson? Yaa. Ehlide. Serapa sa lefats'e, ehlide, u tlamehile u be u tsoa mono. Moena Carl

Williams o tla nts'ala morao ka eona, le leng la matsatsi ana. Mohla ke ne ke fihla mona pele, metse e ne e hlōlisana, 'me ke e bona e ntse e le joalo.

²⁶⁹ Ke tloaetse seo. Sehlopha sa rona sa bolo, beisebolo, kapa baseketebolo lapeng, litoropo tseo tse qothisanang lehlokoa, Jeffersonville le New Albany, oh, khili, khili, khili! Whew! Haeba ho se bosiu boo lintoahali tse ngata li kupang, ha ba e-na le papali, joale ha ke tsebe moo e ka bang teng.

²⁷⁰ Ba lula ba tšoarane ka melala, ke a tseba, Tucson. Empa Phoenix e holile ho feta Tucson ka makhetlo-khetlo, kea khlooa, hobane ke... Tucson, ha ke hopole e etsa le 'ngoe-tharong ea Phoenix. Empa...

²⁷¹ Re theohela mono, hoba ba tšoere batho ba lokileng, ba halalelang tlase mono, ke tiile. Hohle moo ke ileng lefatšeng, ho fihla likhoeng tsa Afrika, ke sa ntse ke ba fumana. Oh, khili! Ekare nka nyolohela koano le mohatsa ka 'me a le binele sefela seo bosiu bo bong, "Ba tsoa Bochabela le Bophirima, ba tsoa mafatšeng a hole." Joale, o tla ema a tsoa a thoba ha ke itsalo.

²⁷² Ka hona, Moena Rose o mo harola letsoalo. Moena Rose o ne a re, "Khaitseli Branham o teng mona. Re tla mo nyolla, a bue lentsoe."

²⁷³ A re, "Pelo ea ka ea kaba-kaba makhetlo a ka bang leshome-hlano." Ho re, "Ke ile ka honyetsa hlooho." Ho re, "Bill, haeba a le teng ka kopanong," ho re, "ruri ke tla ipata." O hlile o boi. Kahoo, ke—ke—ke tla utloa taba ena ha ke fihla hae.

²⁷⁴ Kea tšepa hore bacha bohole... Ke bua sena, e seng hobane a le teng mona. Le tseba seo, le bohole ba mo tsebang. Ke tšepa mohlankana e mong le e mong ka mohahong ona, ha a nyala mosili oa hae, a ka ba mosa hakaalo ho eena, 'me le thabe hakaalo 'moho, joaloka 'na le mohatsa lilemong tsena. Tlotla efe e lokelang ho fuoa lelapa la Branham, e ke e fuoe eena. Ke mofumahali. Ruri ke eena. Ntho e le 'ngoe, ke mè oa makhonthe. Le ntano sheba seo a tlamehang ho se mamella, le a bona, 'me hape, be, le tla—le tla makala hore hoo ke'ng. Khеле, batho ba monyako, motšeare le bosiu. 'Me o ema lipakeng tsa ka le sechaba, le a bona, ke hona moo, lapeng. Kahoo ehlile oo ke mosebetsi o boima haholo.

²⁷⁵ 'Me mothoana oa khale Billy Paul, ke sa mo hopola, hangata, nkile ka mo pepa, mohla 'mae a neng a eshoa, leseanyana feela. Ngk. Adair o ne a tle a re, "U motho ea makatsang." 'Me ke tla be ke theoha ka seterata, ke mo jere, 'me a llela 'mae, 'me maemo a leholimo a bata, le a tseba, ke mo sikile lehetleng la ka, *tjena*.

²⁷⁶ 'Me ke se na chelete e lekaneng ho boloka ea hae... kapa ho mo rekela botlolo ea 'nete. Ke mo nketse botlolo ea Coke e kentsoeng letsoele. Ke ne ke e kenya ka *mona*, 'me ke e sunye tlas'a sephaka sa ka, ho e futhumatsa. O ne a lla haholo, ke ne ke isa letsoho, ke kenya letsoele leo molomong oa hae. Ho mo anyesa

nakoana, le ho busetsa bottlolo tlase ka *mona*. 'Me ke hasitsoe ke lebese hohle, le ntho e 'ngoe le e 'ngoe, le a tseba.

²⁷⁷ Ke ne ke mo tšoere, ke tsoelapele hantle, le a tseba, ke mo tataisa. Bosiu, khili, khili, ke leka ho mo koietsa hore a robale, le ho fumana motho ea tlang ho mo sheba ha ke ntse ke rapella bakuli. Re tsoa hole bobeli ba rona. Ke tšepa A tla re baballa re le joalo.

²⁷⁸ Ke 'mona maobane, a jere moshanyana oa hae. 'Me ka nahana, "Billy, e ne e le uena, nakoana e fetileng feela." Che, re tlameha ho etsa joalo, ho sutha tseleng, le ho neha ba bang monyetla. Ho bokoe Lebitso la Morena.

²⁷⁹ "Ha tau e puruma, bonang, ke mang ea ke keng a tšoha?" "Me qalo ea bohlale ke ho tšaba Molimo." Ho joalo? Ke seo monna ea bohlale a se buileng. "Ho tšaba Molimo."

²⁸⁰ Joale, ke batla lona batho ba moleng oo oa thapelo, le eme moo, lona bohle ba tsebang hore ha ke tsebe letho ka lona, phahamisang matsoho a lona. E mong le e mong. Morena ea molemo oa Lehолимо ke Moahloli oa ka; ho ea ka tsebo ea ka bophelong ba ka, ha ke eso bone le a mong oa bona bophelong ba ka. Mohlomong ba mpone, ka ho lula kantle har'a letšoele.

²⁸¹ Joale, ba bakae kantle mono har'a letšoele, ba tsebang hore ha ke tsebe letho ka lona? Empa, koana, le a kula, 'me le lumela hoo, Molimo, le ka ama qola ea seaparo sa Hae, 'me Molimo o tla bua le 'na ho le bitsa, joalokaha A entse ho mosali, joaloka mosali oa mantlha? Oh, khili! Ha ho makatse ke rerile nako e telele haholo. Letšoele le kang leo, ka tumelo ea mofuta oo, e loketse ho e etsa.

²⁸² Mofumahali enoa? Joale, mofumahali ke enoa. Re kopana bosiusing bona re sa tsebane, 'me joale o eme mona. Ehlile, e ka ba o a kula, kapa a ka ba le bothata bo bong.

²⁸³ Le a bona, Molimo o etsa lintho tse ling kathoko le ho folisa bakuli, le a tseba. 'Me ka hona... 'Me O tšepisitse ho tlatsa litlhoko tsa rona tsohle, litlhoko tsa rona, ka nako tse ling ha se tseo re li batlang, empa litlhoko tsa rona. Joale ke batla le nahane feela, le leng joale, ha u fihla hae, kapa haeba u eso le bale pele, bala Santa Johanne 4, le—le ho bona joale. Joale, mona, joale, ha ke hopole...

²⁸⁴ Ereng ke bue sena. Ke a kholoa, bosebeletsi bona, ke hore O tla nkisa hae kapa a bo phahamise. Ke e—ke ho theohela hantle nakong ena ea ho qetela. Kapa, ke ho nthomela mose ho maoatle kapa kae moo ba eso E utloe le ka mohla. Le a bona? Ntho e teng e mothating oa ho etsahala. Le hopole feela.

²⁸⁵ 'Me, mame lang, ha ke mohoebi oa liteipi. Empa ke na le moena ea lokileng mona ea nkang liteipi tsena, 'me ke Mongh. Maguire. Ke lumela hore ke James Maguire. Le mohoe—oa hae, Moena Sothmann morao mono, ba tšoere liteipi tsena. Nka etsa,

haeba e mong oa lona a tšoere sehatisi se seng sa teipi... Ha ke sa tla bua letho ka eona joale, hoba ha ke tsebe letho ka eona. Empa haeba u kile oa reka teipi ho bona, reka teipi eo, *Benghali, Ke Nako Efe?* E mamele, *Benghali, Ke Nako Efe?* E bapale ka thapelo, 'me u tla qala ho nthapella. Le a bona? Ha u... Hoba, u tla bona ke hona seo—seo bothateng boo ke emeng ho bona hantle mona bosius bona. Le bua ka bothata, hoja le tsebile seo ke emeng ho sona, hona joale, hona mona joale! Le a bona? Empa ke tlameha ho tsoelapele. Mohloli ha a tele, 'me moteli ha a hhole le ka. Ke hantle. Ke tlameha ho hlakisa seo ke se rutang. Le a bona? Joale, ke lumela Molimo. Ke Mo lumela hona joale.

²⁸⁶ Joale, mona ke holim'a motheo. Joale, haeba ke—haeba ke ne ke le Morena Jesu oa rona ea emeng mona, 'me mosali enoa a ne a kula, le a tseba ne nke ke ka mo folisa haeba ke ne ke le Morena Jesu. Ke ne ke sa tl'o khona ho e etsa, hoba ke ne ke se ke e entse. Joale, ba bakae ba tsebang hore seo ke 'nete? [Phutheho e re, "Amen."—Mohl.] Le a bona? Ruri.

²⁸⁷ O se a tšoaretse sebe se seng le se seng. O se a folisitse motho e mong le e mong ea kulang. O se a abile Mali ao Kalvari. Thoko e se e lefiloe. E lefiloe eohle. Empa ntho feela eo u tlamehang ho e etsa ke ho E amohela, ho E lumela le ho E amohela. 'Me u ke ke oa E amohela ho fihlela u E lumela pele. Le a bona? Lumela Evangelii.

²⁸⁸ Joale, empa ho ka thoeng hola A ne a eme mona, a apere sutu ena eo Morena ea lokileng a lumeletseng Moena le Khaitsei Williams ho nthekela eona, lilemong tse hlano kapa tse tšeletseng tse fetileng? 'Me ho ka thoeng hola A ne a eme mona bakeng sa sutu eo, a apere sutu ena, 'me mosali enoa a eme mona?

²⁸⁹ Joale, haeba A ne a le mabali letsohong la Hae, O ne a tla re, "U a bona, ke Messia. Ke... Na u bona maqeba? Sheba phatleng ea Ka." Joale, moikaketsi ofe a ka etsa hoo. Ke hantle. A ke ke a tsebjoa ka hoo. 'Me holane A ne a eme mona joalo, ke ne ke tla tseba hore e ne e se Eena. Ke ne ke tla tseba hore e ne e se eona.

²⁹⁰ Hoba, mohla A tlang, terompeta e tla lla. Re tla... A ke ke ke a tla esita le lefatšeng le mohla. Re tla nkela sebakeng, ho kopana le Eena. Le a bona? Re Mo tšoara sebakeng. "Rona ba phelang ba saletseng re tla nkela holimo le bona, ho ea kopana le Morena sebakeng." Ha A tle lefatšeng le ka mohla. Re kopana le Eena sebakeng.

²⁹¹ Empa joale, O itse, "Ke tla ba le lona, ho isa bofelong ba lefatše. Nke ke ka le tlohela leha e le ho le furalla." A ka ba joalo joang? Bophelo ba Hae. Ka hona, ha Bophelo ba Hae bo ka aha ka ho 'na, ke moo ke tla beng ke Mo emetse. Ka hona, ha e ka etsahala, e tla be le bona Bophelo bo neng bo ahile ka ho Eena, bo ne bo tla etsa lintho tse kang tseo A li entseng.

²⁹² Joale, monna le mosali ke bana, joaloka Santa Johanne 4. O kopane le mosali. A eso 'mone pele. Le eena a eso Mo bone

le ka mohla. 'Me ba ne ba eme mono, 'moho. 'Me A 'molella, mosali selibeng, ka bothata ba hae. 'Me ha A etsa joalo, a re, "Monghalie, kea lemoha hobane U—U moporofeta." A re, "Empa rea tseba hore Messia, mohla A tlang, ea bitsoang *Kreste*, e bolelang, 'Motlotsuoa'; mohla A tlang, O tla etsa lintho tsena, a re bolelle lintho tsena."

'Me A re, "Ke 'Na, ea buang le uena."

²⁹³ Joale, haeba esale Eena maobane, kajeno, le kamehla; haese, feela ka 'mele oa nama . . . O sebelisa 'mele ea rona. "Ke sefate sa morara. Rona re makala." Ka hona, Moea oo o ne o tla sebetsa hape hantle joaloka ha O sebetsa mohla O neng o le ka ho Eena. Na ho joalo? Na e tla etsa hore le lumele? E reng, "Amen," haeba le tla etsa joalo. [Phutheho e re, "Amen."—Mohl.]

²⁹⁴ Joale, mofumahali, 'na ha ke u tsebe, ha ke eso u bone bophelong ba ka, kamoo ke tsebang. Ehlide, ekaba u mpone seterateng kapa likopanong, le joalo-joalo. Empa lena ke lekhetlo la rona la pele re kopana.

²⁹⁵ Joale, haeba—haeba e le pholiso eo u e hlokang, be, 'na, ha nka e etsa, nka e etsa, 'me haeba ke ne ke e-na le mokhoa ofe. 'Me haeba e le mabaka a lichelete, haeba nka—nka thusa, ke ne ke tla e etsa. 'Me haeba u ka re, ekaba motho e mong, u ka re, "Ke tla mona, Moena Branham, hore u rapelle e—e mora oa ka, kapa morali oa ka, kapa khaitseli ea ka, kapa ntate," kapa motho e mong. Ke ne ke tla etsa joalo, u a bona, eng kapa eng eo nka e khonang.

²⁹⁶ 'Me—'me haeba u na le mathata a lelapa, nka re, "Ke rata ho kopana le uena le monna oa hau, 'moho, le ho bua le lona kae-kae ntle le mona, u a bona, ke tle ke bue le lona bobeli le ho bona hantle feela moo phoso e leng teng." Ebe, ha Moea o Halalelang o senola, ho re, "Ema motsotso. U entse *sena* hantle mona ka nako *ena* e itseng." Ke phetho. U ke ke oa e latola. Le a bona? Ho re, "U entse *sena* mona." Ebe, ebe ke phetho, u a bona. Joale, u qala hantle ho tloha moo. Le a bona? Ka mokhoa oo, e entsoe.

²⁹⁷ Joale, u a tseba hore ke bua le uena ka morero. Esale ke rera. Le a bona? 'Me joale ke—ke ntse ke kena feela e—e ho tlotsetsoa ntho e 'ngoe, le a bona, ho bona haeba Moea o Halalelang o tla fihla le ho sebetsa holim'a ka ka neo ea Khalalelo; ke hore, lilika tse peli li eme li bapile hantle 'moho, hoo ho mpha mohau oa Molimo ho bona lipono, le ho bona se etsahalang, se tla etsahala, se bileng teng.

²⁹⁸ U a tseba hore na ke 'nete kapa che. U eme mona ka pel'a bonyane batho ba makholo a mahlano, u a bona, kapa haufi le eona, makholo a mararo, le hona. Le a bona? 'Me—'me u a tseba hore e—e . . . U a tseba hore ke 'nete kapa che. 'Me—'me haeba e le 'nete, e tla ba ke Molimo. Bibebe e boletse, "E mong har'a lona, haele motho oa moea, kapa moporofeta, ekareha seo a se bolelang

se etsahala, joale mo utloeng.” Le a bona? Joale, “Haeba e sa etse, joale le se ke la mo utloa.”

²⁹⁹ Joale, ha ke tsebe morero oa mofumahali eo mono. Empa joale ha re lumelleng Moea o Halalelang ho tla, le ho bona haeba A sa e bolele. Le a bona? ’Me haeba e ke ke ea e-ba ntho e tšoanang le eo Morena oa röna a e entseng! Ke phetho seo A neng a ka se etsa hola A eme hantle mona, hoba, hopolang, ke Eena. Ke Eena. Ha se ’na. Ha ke mo tsebe. Ke a ipolela, ha ke mo tsebe. Kahoo, ho ne ho tla qosa Eena.

Joale, ehlile, mofumahali enoa o arubelitsoe ke maikutlo a monate moeeng oa hae.

³⁰⁰ Eseng hobane a phahamisitse letsoho la hae. Bohle le kile la kenela likopano, ’me le ba bona ba phahamisa letsoho la bona, ho etsa *joalo*, ’me Moea o Halalelang o bitsa hantle feela o ba bolella seo ba neng ba le sona. Lea bona? Ke hantle. Seo ha se bolele letho. Ho ba utloa ba meketsa, ’me ba hoeletsa; hantle nakong eo, u ba bolella hona hoo, “U phela le mosali oa monna *enoa*,” e bonoe hantle *mona*, le ntho e ’ngoe le e ’ngoe ese. Be, le a tseba. Le kile la etela likopano ’me le bone kamoo lintho tseo, le ho bona kamoo lilo tseo. Seo ha se bolele letho.

³⁰¹ Empa moea oa mofumahali enoa o bonahala o hlabosa hamonate. Joale, mofumahali o tšoengoa ke ntho e phoso. Ke ile ka mo sheba, kamoo a jang kateng. O ka pel’ka hona joale, tafoleng, ’me o ntse a khetha lijo kapa ho hong, mofuta oa lijo tse sa tloaelehang. Ke hantle. Na ke ’nete? [Khaitseli o re, “Ke hantle.”—Mohl.] U ka phahamisa letsoho la hau batho ba tle ba e bone. Le a bona? Ke bone mofumahali ka pela ka, a etsa nthoana. Ebang e ne e le eng, e holim’ a teipi. Le a bona? Ho lokile. Joale, hore feela le tle le tsebe lebaka . . . Ke motho ea lokileng.

³⁰² Shebang nakoana feela. Joale Moea o ntse o tlotsa. Joale, e mong le e mong a lule a apere tlhompho ea makhonthe. Lula u ntse u rapela. Lulang thapelong, hoba ke E bone e haola hantle holim’ a letšoele nakong eo. Le a bona? Joale le apare tlhompho ea makhonthe.

³⁰³ Ha re boneng mofumahali eo hape, ho bua le eena feela. Ntho efe eo A u boleletseng eona . . . Yaa. Ke ena. E tafoleng. Ke e—ke bothata ba mala. Le ho kang tšoaretso kapa ntho e ka mpeng. Ngaka esale e shebile ntho ena. ’Me, helang, bothata bona bo u tšoere nako e telele. ’Me, khetlo le leng, bo tlalehiloe e le, “Alsa, e hlahang.” ’Me joale o buile taba e ’ngoe. E ne le eng? “Lelana. Lelana. Lelana,” Ke mo utloile a rialo. Le a bona? Ke hantle. Ke hantle feela. Lebitso la hau ke Mofn McCraw. Ke hantle. Tsoelelapele joale, lumela ka pelo ea hau eohle.

U a lumela na?

³⁰⁴ Kamora ho lla joalo, u lutse morao mono, monghali, mats’oafao ao a putlameng u tlameha ho ikutloa u le betere

hona joale, haeba u lumela. Ho lokile joale. Ho lokile, ke phetho. Amen.

O amme eng?

³⁰⁵ Monna, ba ka bang ba babeli ka mora hae mono, methapo e a thatafala, le uena ha u lumela, monghali!

³⁰⁶ O ammme eng? Na ha le bone Leseli leo le leketlileng hantle mono? Shebang Bosehla boo *mono*. Ha ke tsebe monna eo, ha ke eso 'mone bophelong ba ka. Lumela feela ho Morena Jesu.

³⁰⁷ Joale, kae-kae, ho na le lesea mona, lesea le molala o lekhutla. Ke leo *mono*. Ha ke mo tsebe. Lumela, khaitseli. Molala oa ngoana eo o tla otloloha, ha u ka lumela.

O amile eng? Alleluia.

³⁰⁸ Ntho e 'ngoe hape e amana le molala. Ke e bone. Ke mosali. Ha ke khone ho mo beha malulong. Yaa. O lutse mona, o ntse a lla. Mof. Riley, lumela ho Morena Jesu Kreste, molala oa hau o tla fola. Lumela.

³⁰⁹ Ha ke tsebe mosali eo. Ha ke eso 'mone bophelong ba ka. Ntho feela eo u loketseng ho e etsa ke ho lumela Jesu Kreste. Na u lumela seo? Eba le tumelo.

³¹⁰ Ha ke u tsebe, monghali. Ha re tsebane, ho latela tsebo ea ka. U a lumela Jesu Kreste a ka mpolella bothata ba hau? Ua tseba hore e tla be e nepahetse kapa che, ha ho joalo? Ha u ka lumela ka pelo ea hau eohle joale! E tsoelapele ho ea ho bamameli. U a lumela mosali oa hau kantle mono o tla fola, le eena? [Moena o re, "E,"—Mohl.] Bothata ba mahlo, o jeoa ke mahlo. Ua e lumela? Ha u tsoe mona. Che. U tsoa metsing a mangata, ka mokhoa o itseng. Ke motse o lebopong la leoatle. Ke California, Los Angeles. Khutlela morao, Mongh. Bowman, 'me u fole. 'Me Jesu Kreste o tla u folisa.

³¹¹ U a lumela na? Joale, lona, e mong le e mong a ka folisoa hona joale ha u ka e lumela. Na le lumela seo?

³¹² Ho ka thoeng ka lona moleng oa thapelo, na le a e lumela, le lona? Ebang le tumelo feela, 'me le se belaele. Lumelang ka pelo ea lona eohle, motsotsso.

³¹³ Mofumahali enoa, lebaka leo ke emeng ho eena, o maemong a nyarosang. Mosali enoa o tla shoa hang-hang haeba a sa etsetsoe ho hong, hobane o khurumelitsoe ke seriti. Na le bona seriti se setšo seo holim'a hae?

³¹⁴ Helang, le a tseba, re na seriti seo sa lefu holim'a batho, se katlalitsoe ka khamera ea setšoantšo, joaloka Lengeloi la Morena? Re se leketlisitse ka kerekeng ea rona; nthohali ea tonana, e batlang e le ntšo, e kang sefefo, e leketlile holim'a mosali. Ba ne ba mo laetse ho se katlatse setšoantšo. 'Me Moea o Halalelang oa re, "Se katlatse hona joale." 'Me ba katlatlsa, 'me

e ne e le seo. Le a bona? Mahlakore a bobeli, mona. Se leketlile hantle mono.

³¹⁵ Lona batho ba tsoang tabernakeleng, ba bang ba lona le teng, ba leng teng mona, Moena Fred le ba bang, eona ntho eo ke ena e leketlile holim'a mosali enoa.

³¹⁶ O jeoa ke mofetše, ke hantle, senya. Ke hantle. Na ho joalo? Phahamisa letsoho la hau haeba e le 'neta. Le a bona? Joale lefifi le nyametse, ho sa ka ha boleloa letho. Le a bona, tumelo ea hae feela, e sebelitse hoo. Tloha, u ntse u lumela. Amen. Amen. Se e belaele. Tloha feela 'me u lumele ka pelo ea hau eohle.

³¹⁷ Lefu la pelo le bolaea batho ba bangata, empa le ke ke la u bolaea ha u ka lumela. Amen. Tloha feela, u ntse u re, "Ho lebohuoe Morena." Tloha 'me u fole. Ho lokile.

³¹⁸ Liabolosi a ka rata ho u tšoarisa ramatiki ena bophelo bohle ba hau. Empa ha u lumela ka pelo eohle ea hau, Jesu Kreste o tla u folisa. Na u a e lumela? Qala u kene tseleng ea hau, u ntse u leboha Molimo.

³¹⁹ Na u lumela ka pelo eohle ea hau? U ka tloha ho ea ja sophoro ea hau, 'me bothata boo ba mala bo tla u lesa. Tloha feela 'me u re, "Ho rorisoe Morena!" Tloha, u Mo lumele ka pelo ea hau eohle.

³²⁰ Le uena, hape, u ne u jeoa ke mala. Lumela ka pelo ea hau eohle, 'me u tlohe, 'me Jesu Kreste o tla u folisa. Ho lokile.

³²¹ U tšohile eng hakana? U khathatsoa ke letsoalo. Le batla le u kobotelitse, u batla u khahlotsoe ke methapo, Satane o ntse a u thetsa. Empa e felile joale. Na u lumela ho 'na? Tloha, u ntse u re, "Ho rorisoe Morena!"

³²² Morena Jesu, ke U rapela ho folisa khaitseli ea rona le ho mo phekola, ka Lebitso la Jesu. Amen.

³²³ Tloo, u ntse u lumela, khaitseli. Ka Lebitso la Jesu Kreste, ke mo beha matsoho bakeng sa pholiso ea hae.

³²⁴ Tloo, moena ka. Ka Lebitso la Jesu Kreste, ke beha moena matsoho bakeng sa pholiso ea hae. Amen.

³²⁵ Ba bakae ba nang le pelo e lumelang, tlas'a letsoho le ka phahamang? Joale beha letsoho motho e mong ea haufi le uena letsoho. U re, "Na Amose o ne a tla rialo?" Ruri o ne a tla rialo. Leo ke Lentsoe la Morena. U phahamise letsoho la hau, u a lumela.

³²⁶ Jesu o itse, "Mehlolo ena e tla tsamaea le ba lumelang. Ekareha ba Bea bakuli matsoho..." Ebile ha ho a thoe ba tla ba rapella. Ha thoe, "Ha ba Bea bakuli matsoho, letsoho feela le beiloeng holima bona, ba tla fola."

Ha re rapeleng.

³²⁷ Morena Jesu, Khosi o purumme ka Lentsoe la Hae, "Mehlolo e tla tsamaea le ba lumelang ke eona ena. Ha ba Bea bakuli matsoho, ba tla fola." Morena Molimo, letemonia le leng le le leng

le ke le hoeletse. Boloetse bo bong le bo bong bo tlohe. Liabolose a hapuoe, 'me bana ba Molimo ba tsoe moahong ona bosiung bona ka tlholo le ka matla a tsoho ea Jesu Kreste.

³²⁸ E lumeleng. Ke hantle. E tiisetse feela. Helang, beha feela, beha letsoho la hau holim'a motho, ho re "Morena, ba folise." Ke batla hore le rapele. Ke rapetse. Ke batla hore le rapelle motho e mong. Uena—uen a u... U Mokreste joalo ka 'na. Bohle re Bakreste. Joale u rapelle motho e mong. Ba ntse ba u rapella.

³²⁹ Joale, u ka rata hore motho a u rapelle joang? U ba rapelle kamoo u ka batlang hore motho a u rapelle. "Etsetsa ba bang, tseo u ratang ha ba ka u etsa tsona." Rapela hantle, u tsepahale, joaloka ha le uena u batla hore ba u rapelle.

³³⁰ "'Me thapelo ea tumelo e tla pholosa mobabi. Molimo o tla ba emisa. 'Me ekare ha ba entse ho se lumele hofe, ho tla tlosoa ho bona." Hobaneng? "Khosi e a rora. Ke mang ea sa tl'o porofeta? Ke mang ea ke keng a paka ha Khosi e puruma?" Lentsoe la Hae le re, "Ke oa maobane, kajeno, le kamehla."

Moena Fuller, tloo. Molimo a u hlohonolofatse.



TSELÀ EA MOPOROFETA OA 'NETE SST63-0119
(The Way Of A True Prophet)

Molaetsa wona, ka Moena William Marrion Branham, o rerilwe sethatong ka Senyesemane Moqebelo mantsiboya, Pherekong 19, 1963, Faith Temple, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org